

程

園

卷五

崇禎詩集

卷六

崇禎詩集

卷七

崇禎詩集

卷八

崇禎詩集

卷九

崇禎詩集

卷十

崇禎詩集

牧齋初學集卷第五

崇禎詩集

一起崇禎元年
戊辰盡六月

崇禎元年元日立春

淑氣和風應候來王春元朔併相催故知青帝

攢新令不是天公厭兩回東坡元日立春詩
省事天公厭兩回受

歲酒應羞白髮向陽花欲笑寒灰釣船游屐須

排日先踏西山萬樹梅去年墨縣與苦未及

正月十四日與邵僧彌看梅西山繇橫塘

抵光福

放舟出橫塘喜與煙郭遠遠景宜日斜清游取

春淺嫩柳綠未舒寒條翠將展近水樹乍明遙
峯月漸顯同舟得佳侶靜好有餘善行看煙巒
紆坐愛溪橋轉約略雲樹閒西山累甌甌山容
如高人作意任偃蹇我生在塵網鹿鹿苦未反
明朝山中雲倘笑歸來晚再拜萬樹梅爲我滌
顏覩今不異天公怨雨四
夜步虎山橋王春永民詩
信步尋谿橋邛犬吠林杪月色淡自佳山行誤
亦好暮峯斂餘黛早梅散輕縞定知今宵夢空
濛入幽討

元夕阻雨泊舟光福

尋花不覺遠直入梅花邨孤蓬坐滴瀝清曉如
黃昏未能理蠟屐何暇開清尊名花初發時燕
賞亦遲人西山千萬樹亞枝趁朝暎洗粧映流
水薄寒倚柴門豈知墮煙雨掩抑空淚痕梅花
如靜女有恨初不言我懷同楚客莽莽欲斷魂
世無別花人此意誰與論

十六日冒雨游玄墓

發興上藍輿賈勇著芒屨尋花欲乞命韓詩都將命乞
豈爲風雨怖冒雨發龜峯穿花到玄墓參月

橫清晨玉雪蔽行路沾濕聞雨香登頓入花霧
初疑雨妬花轉爲花惜雨梅亦愛清妍裏雨如
含露孤標宜輕寒靚粧倚薄暮秉燭如有思吮
毫未能訴欲償清游逋更覓寒餓句

奉慈庵紅梅一株嫣然獨出感而有作

萬樹漫山玉雪中一株獨自笑芳叢新粧不是
緣施赤薄怒應看近發紅聊貶高寒遮俗眼暫
先穠豔領春風調羹至竟誰能事枉竊年華媚
化工

美人詒折梅一枝僧彌歎賞請余同賦

小院疏窻傍畫闌攜來細向膽瓶看端詳苦愛
橫斜好折贈深知揀擇難伴我餘香宜夜靜憐
渠剪燭對更殘一枝已識春風意莫倚孤舟怨
薄寒

十七日早晴過熨斗柄登茶山歷西磧彈
山抵銅坑還憇衆香庵

吳山環西南其山秀而嶧鬱盤起玄墓迤邐屬
西磧梅花生其中居然好宮宅譬彼冰雪姿淖
約處姑射回環具區水粘天浸寒碧空濛滋霜
根浩渺蕩月魄湖山畜氣韻煙雲發芳澤所以

西山梅迥出凡梅格我來早春時發興蠟雙屐
探奇忘晴雨尋花越阡陌茫茫梅花海上有花
霧積不知何處香但見四山白藍輿度花杪登
頓旋已易恍忽如夢境愕眙眩游跡縱覽乘朝
暎留連坐日夕殘陽挂煙樹橫斜似初月清游
難省記勝情易追惜還恐梅花神芒芒笑逋客

衆香庵贈自休長老

路約緣溪一徑分千林香雪炤斜曛道人不作
尋花夢只道漫山是白雲

西山看梅歸舟即事示僧彌四首

口年游跡半萋迷老去逢君又杖藜芳草路當

春雨後梅花村在衆山西茶山煙雨荒新築長

欲結庵茶山未果銅井莓苔沒舊題余與龔一淵孟何

題名絕壁去今更憶盤螭桃萬樹人閒何限武

陵溪盤螭桃花最盛今無復存

其二

千邨煙靄蔽芳叢流水疎籬有徑通花霧陰中

晴日變湖山斷處白雲烘低迷楊柳差新綠點

綴櫻桃記小紅安得松圓老居士塾中同過虎

橋東

其三

三年噩夢已塵沙又向東君感物華獻歲雪消
遲柳色試燈風雨妬梅花會賒酒券書千卷葛文
康以酒券從人儘放漁舟水一涯眼底仙源在
假太平御覽人世春深隨處有桑麻

其四

虎山橋畔好溪山聚塢銅坑取次板屐齒衝將
新雨去杖頭携得老梅還青山對酒知誰在白
髮尋春讓我閑自此柴荆多晝閑遲君花下或
開關

虎丘秋月圖題贈似虞周翁

虎丘佳麗地中秋明月時吳儂競芳辰結伴相
遨嬉一翁迤邐來蒼顏白須眉徐行躡浮圖信
步穿劔池矍鑠憎扶掖矯健逾僮兒還憇千人
坐微汗揮裳衣游人羣指目伎女爭遶圍無乃
地行仙遨游下巖扉此翁少好游游興老不衰
年年中秋月艤舟虎丘湄排連五十秋晴雨莫
閒之譬如秋風鴈歲歲不失期還觀同游人游
跡苦參差少者漸以老老者漸以稀山中有老
衲拱揖復嗟咨與翁為輩行是我影堂師亦有

中年人鬢髮漸成絲拍肩呼曾孫側坐相追隨
昔時裘馬客今或寒與饑畫船易新主簫鼓無
遺吹昔時紅粉伎零落歸山岬或爲衰年嫗乞
食行吹篪吳風遞更換吳粧日歲鞋短衣遍紅
紫大袖拂履綦吳歛稱絕調傾聽良已非新腔
難按拍急管增繁悲轉盼復誰是屈指亦自疑
豈獨市朝改兼恐陵谷移惟有生公石盤陀閱
成虧惟有劔池月秋來鑑如規羨此鶴髮翁身
閑步逶迤秋山與秋月年年對霜髭人生皆昔
夢一往不可追夢愕與夢歡夢者豈自知冶游

如好夢夢覺心說怡胡爲勞生人惘惘徒歔歛
翁今年九十健嗽足若飛幸逢 聖明世擊壤
歌雍熙煌煌老人星長炤虞山屢更度十中秋
爲舉百歲卮

悼鶴

來從何所化何之碧海茫茫不可追留魄尚疑
初月影招魂正在落梅時舞休竹裏風生少鳴
斷松閒露下遲約略重來還報我秋空春曉是
前期

其二

殘年百事苦傷悲更報胎禽去曉池院落又如
亡愛子寢門應比哭相知乘軒任爾誇新寵爭
樹還誰占舊枝商略雲山瘞仙骨玄黃祇恐未
相宜瘞鶴銘云裹以玄黃之幣
瘞鶴之明日有鶴翔於鄉園去往年鶴來
之地一牛鳴耳宗老明翼氏購得贈余先
以佳咏感而致謝

獨鶴仍從海上来柴門還爲羽衣開丹丘信隔
猶凝望紫府書通便却迴顧影似憐曾舞雪返
魂應逐未殘梅仙家騏驥非凡骨寄謝詩人莫

漫猜

荅履之喜得鶴見遺四韻

雲消鶴去不勝愁小兆人間似可求

去年九月里人獻夢

有鶴去復來之詩

朱頂已蒙仙客號

宋李文正子客素詩號鶴爲仙客

翎還伴老人頭羽毛雖短誰能假菰米方殘豈

自謀莫向華亭論聲價相經久已誤浮丘

來詩云翔

集巳知陽鳥意虞山聲價重華亭

依韻徐于喜見

月昏雲薄闇思量別緒參差有底長啼樹鳥闌
仍宛轉穿花蝶老故輕狂重支秋枕溫殘夢更

拂春眉理斷腸綰盡柳絲還柳絮東風只合爲君忙

徐前後贈伎有柳絲柳絮詞各數首

和履之花朝見示

愕夢纏綿尚記存芳華空對二分春淒涼寒食還如我穠豔花朝乞與人生計料平量餘昔酒功名磨折剩閒身白家大有穿楊手切莫蹉跎學老民用樂天喜敏中及第詩

題仙山樓閣圖

華堂遲日春融融嬌蘭寵蕙多光風誰爲此圖掛素壁神山仙館來空濛參差崑崙頂縹緲扶

桑東上有摩天削成千仞之絕壁下有拔地偃蹇百尺之喬松天光浮動日月水海濤激射颺輪峯五雲聚族不成雨千霞解駁皆爲虹交梨無根長翳蒼夜芝有光炤丰茸琪花瑤草人不識但見竹柏長青葱其間樓觀參差起璇瑰瑤碧相蔽蒙細界煙巒辨棟宇平臨月駕開房櫳墉城金臺盡治所易遷童初或離宮羣真續紛互來往似謁金母朝木公金條脫玉玲瓏頂巾作髻衣綃垂紅白珠約臂青章帶曾鳥瓜紛指掌虎齒還嬰童高堂壽母定誰是無乃亦在圖

畫中主人捧圖獻母側慈顏一笑回春容班白
稚齒齊上壽撞鐘伐鼓樂未終金盤擗麟莫數
他家事斟雉調鼎吾祖自有彭鏗翁楚詞問
彭鏗
帝何饗神仙傳云彭祖
能調鼎進雉羹於堯

花朝魏仲雪徐于王諸人宴集賦詩用花
朝二字排韻余閉關不得與仲雪在詩見
示依韻奉和兼簡于王

不分春光取次奢小闌側畔想芳華晴煙籠上
柳邛邛雨暖日熏桃樹樹霞舊社房櫳看到燕
新粧簾幙記回車憑君傳語東風道莫放花期

過棟花

其二

遨頭婪尾羨招邀可惜關門負此宵垂白心情
餘我在踏青風物任君描春將好遍垂垂去花
旋開齊續續飄準擬諸公作寒食莫欺老子似
今朝

春雨

小閣疎簾香篆遲冥冥春曉似昏時揩摩老眼
看如霧撥觸愁腸散作絲淺綠樹滋鶯不覺小
紅花濕蝶還知輕衰麗殿垂楊畔閒殺江頭老

釣師

春雪

記元年二月十九日事也多用東坡癸丑春分後雪詩句而反其意

遲日同雲更合圍
東皇何事發陰機
李梅冬實原非分
雪霰春深故作威
繞樹鶯雛應罷語
漫天柳絮敢爭飛
老農劇喜遺蝗盡
旋覺陽和轉褐衣

春雲

萬里春空碧落分
微茫點綴起氤氳
亭亭車蓋誰吹汝
漠漠高樓正憶君
蔽日早時能待族
飄風一旦已離羣
白衣蒼狗須臾事
霖雨終期出

岳雲

春晴

暮霞新爛午陰收
儘放春光在陌頭
意愜好風吹綠醕
眼明初日炤紅樓
青天宿霧看誰掃
白晝游絲颺不愁
為報園林鶯鶯道
呼晴逐雨莫憑鳩

仲雪折梨花見贈口占

寒日到來春寂寂
梨花开遍月朧朧
煩君折贈銅瓶裏
閒殺庭前昨夜風
雪裏桃花次薛叟韻

雪花拂拂釀花朝故著桃花未肯飄傳白更憐
頰頰好欺紅不放粉墻燒朱門人面愁相映紫
陌塵埃恨欲銷擬爲寫生誰下筆王家還有雪
中蕉

雨中仲雪招飲海棠下

二月簾櫳中薄寒錦城花霧晝漫漫鮮妍正合
停杯賞沾濕何妨低帽看剪剪風輕還刻燭濛
濛雨重更憑闌知君卜夜留連意坐惜芳華未
許殘

寒食日于王仲雪諸人小集津逮軒

屐引奚奴杖掛錢隻雞近局許招延貧家節物
宜寒食病伎風光似禁煙茶白還爭分火候桃
紅欲褪賣餚天清平要著新詩寫好記崇禎第
一年

雨中海棠花下代徐于贈妓

風風雨雨妬花天人病花殘劇可憐還恐海棠
零落盡交梳窻下對花眠

寒食日看徐于別妓二首

落花細雨正佳晨萬樹紅芳一病身試看清明
寒食候料量還是未殘春

其二

梨花開盡橘花新送妓憐君似送春記取今年
作寒食粥香餠白為何人

喜復官誥贈內戲效樂天作

三年偶失楚人弓憂喜迴旋似塞翁我褫緋衣
緣底罪君還紫誥有何功佩環再試從風響寶
髻仍看耀日紅重作安人莫侈太饒耕還憶舊
家風

白詩云我轉官階嘗自愧君加邑號有何功

聞新命未下再贈

山林裘褐可同羣翟弗雖榮且莫欣昔褫帶擊

真為我今遲官誥豈緣君譙樓風雪應知免應

母妻俱頌繫譙樓

內殿恩波更許分

元日命婦朝

慵惰

請看丞相婦綠窻朱卷對斜曛

傳聞新叅夫人有

中宮好

通鑑者

三月三日泛舟即事十二韻

風光雨又晴上巳更清明節候今年異遨游此
日拜煙嵐開水國雲錦蔽山城岸綠攀還折堤
青踏欲平執蘭修故事插柳惜芳情新火紅粧
出香塵翠袖生就花拈舞蝶揀樹聽啼鶯泔泔
移舟緩盤回去馬爭歡娛窮日夕燕賞及時清

醉眼牽花影歸心帶鳥聲酒依金谷數詩儼麗
人行襖畢還相賀春衫試體輕

青微送張老還溧陽

張君攻岐黃高名走婦孺坦懷絕厓斥劇談見
情愫好酒復喜奕流連雜歌呼勝負如等閒局
終色不忤吾觀善奕者握子多顧慮推枰斂手
時黑白在何處古來當局人多爲一著誤縱負
國手名豈知拙工趣君來早鶯啼君去新蟬語
流光去不返屈指如傳遽與君須臾閒甲子在
旦暮安知世上人斧柯不已故餘尊湛東壁斜
日炤西樹且復覓一局酒闌送君去

牧齋初學集卷第五

牧齋初學集卷第六

崇禎詩集二

起戊辰七月
盡一年

戊辰七月應召赴

闕車中言懷十首

三年嚴譴望修門隨例趨朝又北轅
聖代故應無棄物孤臣猶有未招魂
夕陽亭下人還過端禮門前石尚蹲
重向西風揮老淚餘生何以答殊恩

其二

已辦腰鎌學耦耕悠悠真悔逐人行
長吟頗惜齊三士撫卷誰知魯二生
白馬清流傷往事南

箕北斗媿虛名
巢繇至竟非無謂
堅坐深山謝
聖明

其三

寥廓高天一冥鴻
肯隨烏鳥問雌雄
紛紛豈止容卿輩
碌碌何須笑乃公
赤汗馬應空冀北
白頭豕自媿遼東
郊原無限停車思
落日披襟得遠風

其四

傳呼何必厭乘騶
風日清恬當出游
坐穩依微憑小閤
睡酣搖曳在輕舟
譬如禪坐還馳想
只

作者山不下樓却數昔年行旅事
分明殘夢已悠悠

其五

淋鈴夜雨漏初長
夢入江南櫻筍鄉
重碧樹深春燕語
小紅花發臘醅香
聞簫月下移歌舫
度曲風前近笛牀
秋夢也如春夢短
郵亭塵土正茫茫

其六

露警秋衾夢亦清
篝燈襪被駕車行
征人倦睫留殘睡
客子枯腸帶宿醒
日出棲鳥衝曙色
風

回班馬亂秋聲前邛旤嗑真堪舞不是荒雞午夜鳴

其七

客路無風沙自驚飛鴻沒處暮雲平山低落日坡陀影岸瘠征車輾輓聲村埃雨穿如土偶林魘月薄竝人行征塵滿眼君休笑剩有清流可濯纓

其八

三年遷客意蹉跎芳草天涯路又過滕縣樹邊朝雨細嶧山雲下夕陽多心如乳燕初辭社身

似飛蓬乍轉科苦憶淮南舊叢桂秋風爲我發山阿

其九

信宿驅車每夜分烏烏聲樂感離羣秋聲獵獵非關樹雨意濛濛欲作雲直吐無風皆朔氣薄寒有日似斜曛江南大有悲秋客臨水登山正憶君

其十

颯颯涼風動旅途黃塵赤汗不曾蘇春明門外人來往秋水篇中意有無失勢蚊蠅戀殘暑下

講鷹隼快平蕪蓼紅蘋白秋光好獨倚軒車入
畫圖

臨城驛壁見方侍御孩未題詩

驛吏逢迎舊赭衣生還今日是耶非綸竿喜值
金雞放華表真同白鶴歸抱蔓摘瓜餘我在破
巢完卵似君稀循墻歎息看題句浙浙秋風起
夕扉

十一月初六日

召對文華殿旋奉

嚴

旨革職待罪感恩述事凡二十首

秘殿風高白日陰天堦雲物晝沉沉裂麻未是

廷臣意枚卜空煩 聖主心 宸翰星回官燭

影禁庭雷殷屬車音孤臣却立彤墀內咫尺

君門淚滿襟

其二

綸扉晝閉詔麻停是日 天威赫震霆敢謂蟲

飛能蔽日亦知蟻鬪應占星 初三日木星入南

是日枚卜疏上浮名儘可供描畫腐骨終須付汗青寂

寞火城君莫笑案頭還有讀書螢

其三

久知不去又將鉗無奈時情似蜜甜薄命東華

糜月俸虛名南斗動星占出山我自慙安石作
相人終忌子瞻伏闕引刀男子事懶將書尺效
江淹

其四

碁局方闌睡正濃白身仍作舊吳儂狂奴本自
輕侯霸殘客何煩對敬容京雒緇塵看素髮御
溝流水見孤踪頻年放逐緣何事縱欲干時興
已慵

其五

事到抽身悔已遲每於敗局算殘棋都門有客

送臨賀廷辨何人是魏其楊柳曲中游子老車
輪枕畔逐臣知寒燈冷炕悽涼夜不醉何因作
酒悲

其六

孤生半世飽艱辛敢恨虞翻骨相屯吾道非與
何至此臣今老矣不如人養成枳棘難爲橘刈
盡椒蘭不作薪每誦韓公晚香句整襟時一慰
沉淪

其七

宮鄰初散鼠狐羣殷殷成雷又聚蚊卷舌光芒

仍炫耀台階氣象尚氤氳傷心詔獄生春草回首
首觚稜隔暮雲 明主定無鈞黨禁文華休擬

作同文

倪侍讀鴻寶云文華殿寧可作同文館耶

其八

責薄恩多兩鬢殘休將青鏡對南冠風靈放我
稱遷客木稼從他怕達官 是月再有木稼之異朝士空憐
街鼠穴山妻應笑上魚竿得歸茅屋非無事還
為清時賦考槃

其九

一自承明罷直廬寂寥誰問子雲居久無關上

籌邊訊遂絕雲中款塞書

謂督師袁東莞撫夷王新城二公

日

午冰稜澌屋角門閉風葉卷堦除論交最喜廉
頗客解道朝盈與夕虛

其十

破帽青衫又一回當筵舞袖任他猜平生自分
為人役流俗相尊作黨魁明日孔融應便去當
年王式悔輕來宵來吉夢還知否萬樹西山早
放梅

其十一

兩月春明席未溫眼看深谷又高原金多爭羨

雒陽路禍至方思上蔡門五鼎食烹皆主父三期賢佞總正尊莊生能悟逍遙理只爲精思曳尾言感長山劉相而作

其十二

白日雷霆夾御筵捫心終不愧皇天夔龍揖讓誠難事賈豎爭言豈必然一道玉階清似水兩條銀燭直於椽夕陽宮樹孤臣影只似他時候八埽

其十三

未辯躬耕卽採薇刺天何事羨羣飛巢絲也是

中朝客夔契依然大布衣故國秋風生邸舍閑門冬日炤柴扉深慙薄劣干南斗莫更求名擬少微

其十四

天語頻煩戒翰登可知不爲點青蠅 聖朝重倚絲綸簿薄命難充粥飯僧春水花源尋伴侶秋風瓜圃會賓朋書空泫涕非吾事縱是憂時也不應

其十五

天門詖蕩夢中開鹵簿續紛大祀回警蹕聲誰

傳委巷燔柴光可炤寒灰身先席稿慙非禮郊禮
席用稿心願為犧歎不才無分甘泉陪法從俳
倡私擬祝高禱

其十六

南郊燿火炤杲恩正是秋衾夢斷時禁漏威遲
殘客舍朝衣顛倒覆家兒齋宮肝蠶詞臣賦宣
室深譚逐客知才薄可憐仍貶謫爐灰畫盡不

成詩

王元之南郊大禮詩云可憐此
夜商於客畫盡爐灰淚滴衣

其十七

白日蕭閒午睡成睡餘兀坐又閒行烏喧老樹

聲還樂雀啁空枝墜不驚晚歲冰霜知物態虛
窻研席見平生高車厚祿雖無分一領狐裘似
晏嬰

其十八

獵獵寒風歲逼除柴門剝啄到雙魚親憎言祿
催偕隱友賤求名勸著書薄俗休官如物故畏
塗削籍當遷除夕陽亭下城西路歎息何人返
敝廬

其十九

召對紛紛集邇英御前唯諾盡公卿夕垣又

駕柴車去謂西江章給事也朝省誰容仗馬鳴鸚鵡能
言殊反覆沙蟲善化更縱橫閭窻莫著歸田錄
數上日春林聽早鶯

其二

闌珊朱墨對寒釭謫宦頻年氣未降可是負書
來上國還如讀易向東窻酒兵勝後消愁壘禪
鎧堅時折慢幢頗爲艱危識天意要令漁釣穩
三江

臘月十六日房海客侍御初度賦長句十
四韻爲壽君與章魯齋瞿稼軒兩給事皆

以枚卜事牽連謫官

同病同心不共談天涯只在禁城南釣天夢斷
魂猶悸盡地羅成議不堪去國味如初下第掛
冠情比舊遺簪希文敢擬賢稱四展季何妨黜
有三排格引繩良已甚排格卽排根也見漢書註拔茅連茹
亦奚慙尾狐善幻人爭訝首鼠相蒙世所諳車
馬駢闐懷舊雨沙堤寂寞笑新叅羈栖仍是巢
枝鳥雌伏真成抱繭蠶御柳煙光遲積霰香山
雲物隔重嵐年華荏苒俱雙鬢燈火青熒共一
龕事過皺眉休再問歡逢開口莫辭耽孺人憂

瑟齊稱壽侍女投壺半倚酣燕酒沽來多似蜜
蜀椒搗後可如枰題詩想見開筵處定復掀髯
笑我憨大真如外補

張藐姑太僕許餉名酒壘前韻奉簡

流落京華阻笑談何殊太史滯周南開籠縱鳥
知何日繞樹棲鳥自不堪官罷故人稀折簡罪
深計明主勒投簪養狙自昔誰非四成虎如今
不待三與我周旋良已久受他描畫有何慙機
心抱甕虛施巧毒手爭麻實飽諧歇後賦詩誰
鄭五目前謀醉且曹叅郎當自笑拖腸鼠角逐

閒看食葉蠶舊步生辰值箕斗新添錮疾在煙

嵐歸與卻掃求羊徑老去應同彌勒龕漏屋書

傳君自聖張以草書自負囚山賦就我真耽馬曹官好

看西爽酒郡封移帶宿酣張會謹成并肅故世有移封酒泉之戲

路風波餘白首帝城節物到黃柑朋尊許餉

休相負一醉陶然共作憨

三壘韻謝藐姑太僕送酒

羈懷廓落向誰談尺五空瞻韋杜南官罷門閑
猶自可酒乾壺盡更難堪知君自愛新封郡念
我誰憐舊盃簪顧影陶潛惟有一揮盃李白不

成三尊盈何意勞相送瓶罄從茲遂不慙杜宇
謀歸身未得提壺勸飲耳先諳料平量未敢傾
三雅斟酌應須醉二叅洗盞先浮綠蟻當歌
興已動春蠶枯腸發發澆成浪醉眼騰騰看作
嵐草聖張顛真我友逃禪蘇晉與同龕典刑宛
矣柔而旨琴瑟依然樂且耽蕩滌三年忘昔夢
惜騰十指出餘酣解醒賴有春前茗下物還餘
霜後柑傳語時人應大笑不知誰黠又誰憨

戊辰除夕

命酒呼盧強合歡春明門外禁鍾闌闕庭冷稱

將歸客卒歲除如已罷官爆火聲中思老母寒
燈影裏見南冠歲時舊事都無幾只有痴獸賣
不殘

牧齋初學集卷第七

崇禎詩集三

起二年已
盡五月

贈書

年年謫宦束書頻
部帙襤褸卷未勻
不惜累人行汗馬
可憐隨我作勞薪
朱黃點勘須完好
籤軸裝潢要簇新
重去與名山作盟約
莫令更平汚傳車塵

贈硯

紫純端硯鎮書樓
牛後真令龍尾羞
潦倒可憐書牘背
光華還憶草詞頭
摩娑便欲看雲起
砥

礪猶能爲王謀更有淳熙九經在歸裝已足又何求

余有宋刻九經俞石礪家物王濟之題其後紫純王硯閩人宋珏所遺也

代書硯荅

桂櫝縹囊託後車相將依舊返蓬廬但看包裹端溪硯不見增添祕閣書退筆冢中悲力盡短檠墻角歎交疎與君莫負殘年約共理雕蟲伴

蠹魚

荅書硯

遺經古硯舊相於襍被蕭條載滿車老去論交惟二友歸來削跡共三餘晴窻洗胃還吞墨永

日撐腸欲煮書簾閣悄然私自問蓬山酉室又何如

飲酒七首

昔與范郎飲班荆剪葵韭

天啓辛酉過吳橋飲酒范質公齋中質公

時爲吏部郎

家醞清且甘汪汪炤尊卣深談復淺酌

日景移卯酉別後長相憶此酒似我友去年遺我書勸我勿淹久百壺聖之清提攜候馬首開函讀未終流涎掛饒口炎風衝傳車紅塵咽堤柳我行良悠悠我意君知否頻年向西笑半爲郎中酒

其二

閒閒桑者園在彼官道旁桑園在德州東界衰
 柳疎屋宇落帆到門墻主人開酒甕延我坐草
 堂酒面如故人別久色微蒼停杯相顧視斟酌
 彌芬芳別君三年來世故難忖量市朝塵屢生
 滄海波再颺豈知尊中物猶能保故嘗驛馬鳴
 路岐斜日炤西廊珍重故人酒且復盡一觴

其三

長安多美酒酒人食其名酒旗蔽馳道車轂相
 摩爭刁酒非洛水味薄甜如飴易酒釀天壇市

沽安得清魏酒稍芬芳勁正乖典刑我性好別
 酒齒舌判渭涇對此寧不飲枯腸任雷鳴飲酒
 但需醉真贗皆虛聲清濁比賢愚分別徒營營
 與君取次醉醅酌共一觥此言當杜舉聊用勒
 酒城

其四

羊羔產汾州葡萄釀安邑刁賈主人名桑落應
 候出一一走京華種種煩置驛肩荷慮顛躓車
 馳或汎溢抱攜如懷繡登頓敢奔汨一夫致一
 罌一石數金直愛惜闕馨香收藏辟風日封題

復再拜輦輸權貴室貴人多不省累置似搏埴
寂寥揚子雲扶疎守玄默徒然頌鳴夷耆酒何
繇得

其五

世多愛官者不復知酒旨亦有愛酒者不暇計
官美愛酒令人狂愛官令人鄙腸爛飲不休漏
盡宦不止耆酒與貪官皆可令人死我本愛官
人侍郎不爲庠我亦愛酒人致酒每盈几今年
命大繆官罷酒亦恥長嘯謝都門斯可以去矣

其六

吾憐袁小修豁達好飲醇開尊無好酒往往生
怒嗔長安盛宴會賓筵正初巡當杯但一嗅瑟
縮不沾唇俗子共愕眙知者嫌其真袁生每大
笑看我頭上巾自從此人死燕市無酒人酒逝
久寂寞袁約致易州酒屬其客汪生爲酒逝酒德誰與論誓踐腹
痛約南下湘水濱滿酌黃柑酒澆君宿草墳

其七

昔與程孟陽閒窻較酒品屈指北酒佳西笑忘
去食寢南酒推金壇井香比桑葢于公知我好
載送似給廩船到競逢迎尊開破寒噤消磨長

日景流連乙夜枕自從來長安市酒類拾瀋還
憶良嘗醴如饑思得飴美酒不博官吾計久已
審况乃官又罷頌繫受凄凜已矣歸去來無爲
歎萼荏多乞于家酒細與程生飲

送瞿稼軒給事南還三疊前韻

門外天涯未易談江南路在潞河南同時放逐
君先去異地羈留我不堪 聖世辨奸難曲筆
清時養晦忍抽簪車回峻阪何須九肱折良醫
不憚三戎馬生郊還國恥班行失士豈吾慙琴
心靜向弦中理棋勢全於局外諳秋卷蠅頭溫

諫牘春燈龍尾夢朝叅排風獵獵旋飛鷁蓄火
溫溫養浴蠶木落破山尋古寺花深拂水看晴
嵐撥頭船裏新茶竈折脚鐺邊舊佛龕酒熟泉
香無別事書淫傳僻有同耽師丹老去身多忘
孫叔年來寢正酣何日二童還一馬相期斗酒
共雙柑客中送客真惆悵破涕裁詩又作憨

十三日立春

迎春春在鳳城頭簇仗衣冠進土牛鋪展煙光
來紫陌追隨笑語到紅樓林鶯口噤思官樹官
柳眉舒向御溝獨有城南羈旅客與春無分又

添愁

覓春

春明門外亦長安不省陽春到此難
朔氣逡巡辭弱柳光風瑟縮辟崇蘭
西山翠比愁眉鎖上苑紅如粉本看
狼藉江南春色早討春歸去莫教殘

春風

午枕眠方足晴窗曝未終忽吹新白髮
知是舊春風物候驚柔綠心情怕軟紅
可憐春未老送我向江東

送郭中書赴督師袁公墓

昂昂千里馬不合駕鼓車丈夫九尺身
豈肯隨朱儒郭生倣儻人側足承明廬
譬如雞羣鶴戢翼不得舒一朝請論事
慷慨陳兵符願如漢卜式接踵死匈奴
天子賜顏色羣公咸歎歎近臣寄邊瑣
此例今所無我從罷官來不見關門書
屈指五年期今又一歲初袁公於論滅奴以前抗
期聞君赴嚴程出祖臨交衢慙無繞朝贈
控馬進一壺分張何所道逝將歸里閭
因風問袁公匡復定何如

鸚鵡

鸚鵡人憐汝雕籠豢養成翠衿矜妙麗紅背鬪
聰明側近偷言語憑高流檻楹君何憂反舌時
過寂無聲

鵲巢行

樹上老鴉羣作惡奪我鵲巢反啄鵲鵲羣苦少
鴉苦多冬架春成枉作窠攘將我巢爲汝室啞
啞聒耳聽不得蒼然一鷓號鷓鳥左翎撩風右
掠草眼看鵲弱與鴉強何忍盤回坐樹旁君不
見鷓兮鷓兮善擇木浮圖有穴崖有屋鴉羣自

笑鵲自哭

注目寒空且攫肉

題郭無傷所藏朱鷺畫竹是余往年所贈
頭白蕭郎畫竹聞數莖蕭颯坐生雲霜筠雪幹
還如我障日成陰卻擬君

其二

畫裏蕭蕭竹數竿晴窻亦解報平安年來小劫
如風雨賴有長身共歲寒

寒食

客舍蕭蕭寄病身落花寂寂度佳晨忽聞寒食
爲今日始覺風光已暮春名酒盡難禁獨夜好

鶯啼不趁愁人吾生從道渾如夢是夢何須太
苦辛

寒食後一日作

寒食淒涼作去不成春光取次又清明孤臣氣
味愁鑽火故國心情記賣餠苦恨落花隨柳絮
謾勞啼鴉替鶯聲東風誰唱吳娘曲暮雨蕭蕭
閨禁城

無花

客裏無花獨倚樓討春無計恨悠悠無花亦有
便宜處省却花飛一段愁

贈博平郭太保

蘭錡三朝一敝裘濯龍門外看車流風窻自咏
游仙句金穴誰論特進侯客到異書繙帳底花

開襖帖在牀頭

蕭翼賺蘭亭寺門桃李盡
放郭家藏定武襖帖故云

他時

國史編家集定與聯珠一部收

本朝郭忠武公
有郭氏聯珠集

送于鏘秀才南歸

木星入斗霾且霧疾雷震電當嚴冬孤臣束身
待譴逐攢頭縮頸如寒蟲飯甌累門斷人跡譙
訶匝戶勢浩洶于子襍被就我宿掉臂徑突重
圍中朔風褰簾霜著壁油燈無燄光曠矇布衾

潑水寒不寐，駁背依倚彎角弓。訓狐號屋鼠齧
器，夢魘驚覺杵撞胃，更闌漏盡坐相慰。軟語唧
唧疑吟蜚，有時激昂撫枕席。蹴我起聽譙樓鐘，
誓將排雲叫閭闔。寄牋苦恨飛廉慵，嗟子長身
秀眉目，輪困肝膽誰與同。我歌汝和良足樂，冰
天雪窖春融融。春來幾何忽已老，楊花如雪飛
城東。愛而思子苦不見，三月新婦關房櫳。一朝
扣門聲剝啄，策蹇揖我歸匆匆。我身正坐不得
去，別子目斷南飛鴻。子歸解裝正初夏，棟花風
過榴花紅。故人見子應歎息，訊我顏狀悲途窮。

我生有命可自斷，世事豈異馬耳風。黃閣知爲
何老子，白首仍是舊阿儂。梵川綠淨不可唾，金
壇酒碧炤觥空。五噫未遂吳市隱，十賚行割華
陽封。因風寄語勿惆悵，料理家釀遲醉翁。

左耳病戲作十二韻

歎世侵尋似鹿皮，聾雖半耳已如癡。盈尊社酒
憑誰餉，決牖仙方久不窺。但遇一呼仍響應，若
聆偶語却參差。僮便主贖誇脾健，婢譟醫庸諱
腎衰。強欲屬垣還側耳，纔看拋枕又支頤。史稱
偏聽應如是，人說佯聾或近之。憎老懶令嬌女

剔怯狂畏與醉翁持八音未許諳全部兩造祇

能割半詞洞裏乖龍眠正穩韓詩煩君自入華

來耳牀頭鬪蟻動還疑毫呼賢吏猶多媿傳用黃霸

歸作家公漸有期空後音聞旋恍忽堯玄夢

斷轉迷離不須獻馘從軍法好證圓通問道師

鄭注馘所格

冷飲示侍兒

花前宜試樂天杯冷飲東垣未可哈笑殺家翁

買燕女錯將溫酒當行媒家鉉翁事見

奉酬山海督師袁公兼喜關內道梁君廷

棟將赴關門二首

臨渝今是國儲胥俗稱榆關誤也鎖鑰東門萬

革車匡坐油幢臨虜使橫磨墨盾草郵書鶯啼

大纛連營靜月出雄關列竈虛蚤晚師中得梁

懂度遼長策為君攄

其二

貫酒論兵倬直餘青燈賓從儼前除掃犁羨爾

謀方老表餌慙吾術已疎甲第金鋪魚鑰管景

鐘鐵索鴈行書白山好勒磨厓頌衰晚何因借

後車袁自詭五年滅奴頗以講

款為秘計故有託諷之言

口占贈林將軍

喬椿晉江人

超距身輕三百音前飛刀法自九夷傳血漂樓

櫓如平地土拭干將更屬天林長于水戰魏絳

歌鐘懸虞考衛青侯券空去名鐫頗聞聖主

思收復親式羣蛙風九邊

對次房海客韻送劉起歸宣城起與湯祭酒有邵祭酒及

始還故里故詩有解釋之語

寃親場內好叅禪鑽火應知定出煙已分此生

離虎口何須知己付龍泉杯蛇辨後休除病嬰

蛻消時莫問天執手送君成一笑磨驢何日了

前緣

追和朽庵和尚樂歸田園十咏有序

正德間朝士有以郎官罷歸者高僧朽庵林公

以淵明歸去來兮辭為題賦樂歸田園十咏送

之崇禎二年余匏繫都門客有以朽庵遺筆見

贈者開卷吟諷喟然三歎遂援筆伸紙追而和

之昔蘇子瞻居海南徧和陶詩子繇序而傳之

余何敢竊比子瞻顧如子繇之言所謂欲以晚

節末路師範淵明之萬一者其志趣不可謂不

同也然子瞻實追和淵明而余之所和者朽庵

而已世之君子其尚恕余之僭踰或亦因是而知朽庵也夫是年四月十八日

歸去來兮至覺今是而昨非 次韻

久在樊籠始見幾高人只是急流歸畏榮未必知吾意忤物何妨與世違戢羽豈容尋往跡懸車自合歛餘輝却嫌此老還多事形影神中辯是非

朽庵宗林詩宦海漂流早見幾故園荒廢正思歸往迷來悟心方樂投老尋閑願不違新別廟堂無悵恨舊栽松菊有光輝池魚羈鳥

還淵藪童子何勞講是非

附見七首

舟搖搖以輕颺風飄飄而吹衣 用韻

少日成惆悵行迷喜得歸鶴應知我返鷗亦傍人飛白水浮孤棹青山見素衣飄搖謝塵網昔夢但依稀

問征夫以前路恨晨光之熹微 用韻

平陸成江悵我情濛濛時雨逗初晴征夫指點晨光好還向柴桑一路明

欲知歸去好前程每對征夫問一聲茅屋幾家門尚掩茫茫天地未分明

乃瞻衡宇至有酒盈尊 次韻

僮稚意我歸舒鴈却前望眼明記舊宇身閑去
宿恙看松繞荒徑采菊泛新釀英英南山雲庶
與我心况

引壺觴以自酌至審容膝之易安 用韻
壺酒庭柯徙倚看南窻也似北窻寬人生何限
遑遑者兩膝隨身沒處安

園日涉以成趣門雖設而嘗關 次韻
羣輔錄中看世代周王傳裏見乾坤此翁枯槁
君知否容易人閒說閉門

梨栗詩書責子孫菊松瓜菜樂乾坤養高不
受重來詔誰敢閒敲處士門

策扶老以流憇至撫孤松而盤桓 次韻
拂拭塵中眼舒眉飽看山山將人竝憇杖與我
俱閒入景戀遲暮孤松欣往還出雲并倦鳥幽
意總相關

扶老手携杖觀幽眼見山歸林飛鳥倦出岫
斷雲閒松下尋詩去谿邊載酒還昔年車馬
路今日沒相關

歸去來兮至樂琴書以銷憂 次韻

世人似鼠競窶藪陶家老翁悟已久官中束帶
肯折腰山寺聞鐘卻回首南邨何事更東林種
蓮豈必殊垂柳親朋情話聊解顏琴書流覽總
敝帚籃輿醉臥人不知扣門乞食我何有我生
粹兀略相似玉堂今作扶犁手和詩敢徬僖耳
翁感懷竊比朽庵空歸來築室祀靖節左白右
蘇配以偶故山松菊當蘋藻薦彼清琴侑濁酒
農人告余以春及至曷不委心任去留

次韻

窈窕崎嶇意舟車丘壑閒泉流榮木下春入老

農顏萬物誰非寓吾生會有還達人亦同盡羸
得去留閑

聞得農夫說春回畝畝閒舟車無枉跡草木
有榮顏尋壑穿雲去經丘踏月還百年能幾
日寧不放心閑

胡爲乎遑遑欲何之至樂夫天命復奚疑

次韻

人生如教射一發貴善息陶潛避俗翁枯槁非
本色惜哉時不偶橫流汜邦域雄劔在室中光
芒閎凌逼洗滌資禪心抹撥仗酒力酒酣咏荆

軻深情自茲得耘耔盡能事嘯歌見天則醉來
怒繆誤聊用齊淑慝仕晉誠苦饑逃宋懼弗克
乘化游縱浪樂盡付冥默能潛乃龍性可諫匪
鳳德餘事作詩人遺名隸酒國我和朽庵詩游
戲并筆墨悠悠千載後會有高人識

得許同生書寄示擬歸去來兮辭

歸兮賦就喜投閒漉酒巾將換紫綸人笑竚無
淮上米天教眼看湘西山一生刺襪嘗翻著萬
事騎驢却倒還未敢援毫輕屬和正愁陶令滿
人閒

王元之自翰林謫官賦廣陵僧舍芍藥有感傷綸闕多情客之語余屏居寂寞戚里
以芍藥見遺誦元之詩適對此花感而繼
作詩凡三章亦如元之數

盤籠紅藥出天家寂寞銅瓶幾朶花承日有誰
揜翠袖當風還自怯黃沙紅芳炤眼驚春盡金
縷緣頭惱鬢華五味爲君思齊和敢將零落怨
天涯

其二

紅燈焰焰覆茅茨卻炤春衫黯自疑曾是芳菲

依上直可憐攀折贈將離綸闈舊侶蒼苔在僧
舍新愁白髮知漫道謝公詩句好翻階先咏萬
年枝元之詩序云紅藥當階
翻自後詞臣引為故事

其三

五侯簾幕競萎蕤驛騎殷勤寄贈時夜燭去辭
紅豔隊春風來乞曉粧詩雕闌墮珥辜新賞金
屋餘香認舊枝莫怪宮袍長放逐君王不要賞

花辭牡丹初號木芍藥蓋本同而未異
也太白雖賦牡丹亦假借得使

寄題泰和蕭伯玉春浮園十四咏

柳溪自備詩曰柳溪對會共藥

煙著層層柳雲生面面溪欲尋垂釣處咫尺使
人迷

公安亭亭陰老樟樹下

嘉樹閱元宋芳名有譽處嗟彼雕朽質吾亦宥
老楮

金粟堂

禪罷月當戶酒醒香滿空寥寥桂花意榮落任
秋風

芙蓉池

蓮葉何田田花香蕩疏綺惆悵採蓮人歌聲隔

秋水

嬋娟逕

亭亭千箇竹凜凜歲寒姿要見嬋娟質秋風粉
落時

杯山

山如一酒杯湖水嘗灌注我好杯中物還乘此
杯渡

聽鶯弄

弱柳依趺坐晴湖蒼梵聲道人曾破戒把酒聽
啼鶯

宜月橋

風月新秋夜江山清露中吹簫更度曲多此在
橋東

宿雲墩

墩深雲所歸雲去墩仍在却疑此非墩亦是雲
變態

愚山

江聲啗山腰帆影掛樹杪只疑船舫上欲戛山
頭草

浮山

浮山山下水盡帶梅花馥似憐梅清寒十里賜
湯沐

秋聲閣

東風看酒汜落葉使人悲不是悲秋士秋聲那
得知

蕭齋

蕭辰坐蕭齋縱筆作蕭字他年改精藍亦應號
蕭寺

鳧閣

汎汎水中鳧安眠復徐引君胡爲此閣知已問

詹尹

次韻荅楊補見贈

倦鳥暮林數羈人念鄉里中年哀樂多識字憂
患始刺促復何爲歸秉田閒耒書篋估生計鶴
料算食指休日諒未晚拙政亦吾以息影依衡
茅引竿向清泚君看懸屋車豈復慮生耳

其二

微雨簾帷寂凝塵几榻靜生面恍開卷熟客笑
引鏡博奕爲猶賢飲酒安用聖且理幽憂疾遑
恤膏肓病散髮謝束修毀車絕奔迸聊復學農

團終當變名姓君能從我游帶月鋤可竝

次張藐姑韻送房海客赴南吏部

薄游只似在巖扃窺戶何愁履不停淮水月如
官况白冶城草竝客袍青物情或可饒其子藥
籠無多辨稀苓莫向半山論舊事謝公墩畔雨
冥冥

閏四月廿三日夢中作

柔桑覆籠綠粼粼密雨溫風正養蠶門外銜泥
春燕語櫻桃消息到江南

閣訟將結赴法司對簿口號三絕句

突兀沙堤棘寺傍莫將鈴索笑銀鐺台階今夜
占星象先看垣前貫索光

其二

毀冠策蹇路人憐拂面青蠅互撲綠猶勝諸公
埋詔獄一生不得到西天

傷楊繆諸君子也獄中以法司為西天

其三

廿年文局歎他隕蠹紙成箱筆作堆頭白汗青
成底事却將詩案繼西臺

次韻藐姑送別

紫陌青雲未可論紅牋夢入舊慈恩到家秋枕

聞蛩語別路春風記鳥言身隱却憐明主棄
道窮還仗古人尊祝君努力匡時略安穩東吳
老灌園

二髯篇戲簡井肅梅中丞兼呈兵部王尚
書左坊文中允

先朝昔煽亂婦寺據肘腋四海一應山奮髯相
抵格身縻若盧獄禍蔓葦箚藉自從楊髯死士
氣久沈汨婦寺有遺種螟蠕禪冤魄靈狸雌雄
并異物志云靈狸一體訓狐朋扇劇狐聚鬼徵
妖自馮城復依社夜出而晝匿冠蓋滿長安咋

指空歎喑在東畏蟬螭連蜷避雌霓矧彼叩頭
蟲向火乞餘炙堂堂髯司馬中樞屹柱石長身
出班行正氣噴交戟暨暨髯中丞輪困肝膽赤
尺書來酒泉忠憤壯羽檄舉朝何蚩蚩低眉戴
巾幘賢哉此二髯庶不負頭額人生稟陰陽鬚
者陽之液髯多得陽剛其人亦峯峯所以婦寺
流頤頤如脯腊何用拔鬚眉天爲芟與柞我鬚
苦不修攬鏡頗不憚旣羨綠坡竹又愧春田麥
黃香責髯奴辭離離若綠猛欲施錐鑿穴竅自
坡之竹鬱鬱若春田之苗穿刺馬尾非族類顛毛又狼藉旁人向我笑笑

我目論窄徒以髯取人子羽恐貌失二髯固絕
倫髯奴還見責不見文官相亦是無髯客作詩
寄中丞捉筆笑啞啞遙知發函時掀髯墮冠幘

牧齋初學集卷第七

牧齋初學集卷第八

崇禎詩集四

起巳巳六月
月盡八月

出都門口占寄蕭伯玉

同日南遷客前期潞水楂不知蕭伯玉底事尚
京華赤日燒肌燼蒼蠅聒耳譁想君消受得猶
未苦思家

潞河別劉咸仲

廷諫

吏部

別緒鄉心浩莫分潞河風雨 帝城雲能寬放
棄惟良友未忘京華爲 聖君衰髯數莖還去
國秋風一葉又離羣渭城歌罷休垂淚逐客頻

年實飽聞

潞河舟中夜坐荅茅止生見贈

浪湧波喧絮語聞
燭花無焰夜初分
奕棋國手誰論我
杯酒英雄敢竝君
牛馬旋迷新漲水
魚龍還感舊噓雲
他時重聽西窻雨
記取孤舟潞水濱

六月廿七日舟發潞河書事感懷寄中朝

諸君子凡四首

回首觚稜又夢中
鳳城只在五雲東
情懷黯黯歸雅日
踪跡差池去燕風
天下安危兩司馬

謂臨

邑吉水人閒出處一飛鴻
素衣待放還三宿未

忍驅車泣路窮

其二

黃金臺下士縱橫
側席何人副聖明
紫閣虛傳聞禁漏
白麻遽欲下延英
沙堤銀燭兒童羨
火齊金盤道路爭
極目中條山色好
隱居吾欲訪陽城

其三

聖德軒圖可比倫
明廷屈軼正嶙峋
流傳諫紙臺生色
突兀班心國有人

是日見公安

反舌春

殘休發口訓狐月白自謀身憑君傳語昌黎叟
載筆無煩論爭臣

其四

信宿辭 朝奏數行封題和淚進明光三家邨
裏人仍在一葉舟中意儘長老去惟應思帝
力窮來只合掉書囊熙朝不數貞元日敢效忠
州錄古方

中條行

巳巳六月
過滄州作

君不見中條山陽城昔日曾閉關白衣徵起作
諫議脫屣就職無慙顏月俸計口送酒媪諫紙

夢置空箱閒歌呼痛飲夜達旦醉臥客懷不聽
還貞元奸佞不可當白麻旦夕宣朝堂忠臣延
頸待誅僂宰相惛伏眠如羊中條山人起伏閣
延英門上飛風霜諫官叫天爭喧逐金吾萬歲
聲如雷延齡不相陸贄免奮臂坐使唐天回乃
知酩酊不言有深意務欲撥棄細碎爭崔嵬我
過中條山念君如宿昔君名長比條山雲君心
尚似條山石一代相知李鄴侯千年涕淚避賢
驛微之陽城驛詩我願
避公諱名爲避賢郵思君不見可奈何酹君
一觥歌主客君不見長安碁局日紛紛著眼爭

如局外人若無衡嶽爐邊客誰向中條訪隱淪

城隱滄洲之中條山李泌爲相舉爲諫議大夫非鄴侯不能知道州鄴侯之舉偉矣

鼈

僦舍都門外秋隘類鼠穴土炕楮前楹瓠甌累
後闔炎歊氣彌蒸溝澮惡不潔凡百蟲與豸因
依作巢窟有蟲蟻五類厥狀肖惟鼈形圓脊微
穹翬介儼環列多足巧於緣利嘴銳如鐵伏匿
床第閒夢嚙伺恍習襲肌陷針芒噉血恣剗劓
攢喙方如錐墳起已成凸不禁膚爬搔猛欲手
捽滅倏若捷疾鬼驚走在一瞥都無翼撲緣不

聞聲僂屑近或匿枕衾遠或走柶棗明或潛帷
幔隱或據衣袂遶床何處搜拂箒誰能襍兒童
偶批摑經時臭不歇未足快俘獲徒然滋嘔噦
我坐環堵室屏居謝朝謁方當病幽憂又復遭
螫齧睡少不耐嗜皮枯豈堪蜚逝將謁上帝精
誠訴饕餮綠章方夜奏天門還晝閉巫陽顧我
笑子亦太薄劣胡然扣閭闔除此小蟲蝥歸來
焚奏章束裝遂南發從容理席薦瀟灑振巾鞵
揮手謝鼈蟲且與爾曹別如何韓退之得官喜
見蠹

滄酒歌懷稼軒給事兼呈孟陽

君初別我新拆柳歸帆約載長盧酒今我南還
又早秋也沽滄酒下滄洲輕舟一葉三千里長
瓶短甕壓兩頭與君去國如去燕一水差池不
相見滄洲蘆花如雪披滄水東流無盡期滄州
好酒瀉酸白炤見行人鬢上絲東臯秋清月舒
彩西湖採蓮歌款乃期君開懷酌滄酒醉拉程
生戲墨海

七夕四絕句

月帳星橋雲髻鬟經年怨別淚潛潛憑君莫道
天河闊只在盈盈一水閒

其二

虛將黼黻擅朱顏咫尺星河斷往還但使牽牛
能伏軛更將餘巧乞人間

其三

雲堦索莫暫經過素手依然弄玉梭賴有七襄
機度日不然其奈九秋何

其四

牽牛求配苦蹉跎織女機絲患巧多烏鵲可憐
無一事頭童尾秃爲填河

屬章給諫房侍御諸公爲余牽連謫官者

過臨清追昔游有作二首

丁字簾幃不下鉤
疎疎微霰點紅樓
明粧促坐生春色
畫燭嬌歌蕩旅愁
油壁小車爭自至
紅牋名紙妬他收
而今只有垂楊在
禿盡枝條撩白頭

其二

倦游還憶壯游人
蓆帽氈車二十春
醉捲白波輕酒敵
笑粘紅袖比花神
芳顏老去為商婦
旅鬢窮歸有角巾
為問長干新樂府
壁閒誰與拂埃塵

初稿云長干樂府傳商調短鬢風流剩角巾粧閣歌樓休借問玉顏約略已成塵

長干行 附錄

萬曆己酉十月偕計吏過臨清新安何周
無黨邀谷范兩名姬置酒勝流歛集燕賞
淋漓樂美人之目成惜雲英之未嫁醉後
作長干行題於北里谷氏之壁閒凡二百
八十三字明日同席者傳寫其藁乃錄而
藏之篋中名士胡胤嘉沈守正胡潛皆屬
和焉

長干女兒爭妖饒
秦淮一曲水亦嬌
複道迴郎暎
佳麗六朝楊柳
秦時潮美人如花
活花

裏嬌憨那復知作使臨粧懶學文君眉當筵
解劈薛濤紙馬家楊家最有名但看一笑俱
傾城按拍何人嫌曲誤留懽若箇便粧成江
南是處矜花草渡江但說臨清好燕趙佳人
真擅場摧殘苦向風塵老賈胡多錢儉父臭
秦箏吳歛等閑奏小范空餘林下風谷生枉
自閨房秀拂袖低迴策蹇歸黥奴草具唱歌
時陌頭白汗薰香粉馬上黃沙與畫眉目成
不忍惜歌舞顧影那堪淚如雨江南小草花
不如江北名花暗如土人生遇合總悠悠此

夕相看黯欲愁眼底娉婷俱未嫁忍看溝水
東西流劒花崢嶸眉黛濕玉釵欲掛銀缸泣
促席行杯露未晞歌罷長干盡於邑君不見
馬家池館傾摧久長橋已圻祠郎手江南樂
事亦易闌經過且盡杯中酒

萬曆己未李三長蘅下第南歸尹二孔昭
爲詩送之有云海畔逢錢大叮嚀莫作痴
念故人贈處之義每爲涕洟今年春長蘅
又下世矣泫然有作書示兩家子弟

哀樂中年自不堪每嗟詩句重閱函叮嚀苦語

還錢大收拾遺文到李三交友旋如頻剝筍身
名聊似半僵蠶一言贈處非容易囑累諸孤莫
漫談

舟行四首

南浦思勞勞陂塘秋漸高旅人逢古渡落葉下
亭臯世事悲紈扇機心笑桔槔潞河千折水極
目不容刀

其二

斷岸蘆抽白斜陽蓼褪紅舟行秋色裏人在水
聲中掠燕經殘雨吟蟬趣晚風陰蟲休切切已

是白頭翁

其三

頻年諳放逐盡室苦漂流蓬掩孤燈雨蟲吟一
葉秋身堪充水手相合配軍頭一笑殘生事開
尊倚舵樓

其四

昔雨今還涸滄桑盡日移出雲山意懶經暑岸
容衰噩夢驚蟬斷銷魂折柳知經過齊故國三
宿亦濡遲

阻舟安山閘

北河水澁河流灣百步一曲如回環南河水流
閘滿地十里一閘閘晝閉牖門迴似天門高沙
衝石擊水怒號閘官如帝卒如鬼尋丈限隔喧
波濤關河茫茫陵復谷瞿塘灑瀕起平陸千桅
倒眠百榜停一葦安能恣馳逐就中有人殊灑
然朱黃自點秋水篇臥起船艙宛齋閣細聽聞
水疑礪泉舟行胡蹇車胡疾人生隨身只兩膝
長謠獨酌聊復爾坐久鈎簾月東出

團扇篇

合歡團扇美人作輕雲如紈雪如素裁成顧兔

舒月波畫出乘鸞向天路美人容華傾六宮含
羞却扇嬌且慵自分團欒賽明月豈知搖動生
秋風碧天一夜秋如水炎涼盡在君懷裏不怨
秋風坐棄捐却愁明月長相似秋來明月正嬋
娟別殿長門是處懸從教妾扇經秋掩但願君
心竝月圓君心如月不可掇妾扇團團那忍割
可憐團扇無蔽虧不比清光有盈缺奉君清暑
爲君容莫道恩情中路空蛛絲蟲網頻垂淚還
感君恩在篋中

張子壽賦白羽扇云縱秋氣之
移奪終感恩于篋中蓋公懼李

林甫之
護而作

濟上逢總河李侍郎星若侍郎與余竝遭逆
奄之難余以閣訟再謫執手慨嘆兼示嶺
南詩卷感今念往率爾成篇

執手俱爲未死人參差病鶴記城闈畏途趣我
歸田數殘夢從君度嶺頻往事依僮驚背索新
詩灑吏喜書紳臨分苦語應須勉領略風波要
此身

七月廿三日舟過仲家淺牖戲作長句書

李文正公詩卷後

成弘作者誰其選茶陵落筆成瑚璉先民大雅

存典刑後輩輕浮棄永雋我行篋貯麓堂詩今
日舟經仲家淺牖門崔嵬不似昔頑石半泐水
聲泫檣摧檝倒儼號咷船月低昂想仰俛摹畫
景物詩有聲雄快壹似并刀剪公生遭逢休明
世不出國門步鼎鉉宮壺法酒尊詞頭玉堂大
字揮禁扁生平困踣此牖邊聊用作詩志小蹇
嗟我不辰逢百罹五年去國兩乘扁津吏面生
呵單行長年眼熟笑重趼關河鹿鹿舟作廬津
途涓涓水在甌百塲上水一下灘十度扣牖九
閉楫舟行過淺一嘆嗟酌酒蒼茫酹濟沈酒酣

伸紙繼公後詩成自笑筆力輒

牒吏

效韓文公
瀧吏而作

南行逾三旬閒關渡濟水河乾牒如織牒吏數
呵止我舟似倦鳥塌翼次牒傍牒吏殊鬼我稱
媿列前行傍行皆
去聲讀問我何官職今去將何之恭
承牒吏訊捧手前致辭登朝多顛頷五載兩放
棄春明席未溫秋衾夢長悸單車出國門行行
歸東吳豈知遭梗塞扁舟委泥途牒吏莞爾笑
官言無乃頗官行良多梗梗不在牒河牒河官
雖卑啓閉實所司上水及下灘一一各有宜官

船排鴈齒糧艘綴魚貫要津豈容據橫流詎能
亂疾如離弦箭遲如上阪車天時與人力參錯
如槎牙亦有一葦舟衝風便遠逝有力負而趨
賢愚豈同滯人言仕宦海險絕比瞿塘小牒牒
關河大牒牒朝堂關河尚自可朝堂愁殺我風
波難揭厲關楫慣連瑣官今此水邊刺刺苦隋
陘何似朝堂上一步度一牒官其少須臾安坐
須牒開揆施會有時無爲苦喧逐叩頭謝牒吏
天遣吏教儂譬如伸隻手推我魘夢中身如黃
楊木節節厄閏年我命有節度不獨世迤邐團

團推磨牛總在陳跡內過牖且勿忻遇牖且勿
憤游魚脫釣釣不復口喁噉高眠到曉漏蓬底
月豔豔

舟發泃溝

舟子招招發櫂歌新秋佳日似清和浪花聚處
團雲影菰葉開時剪水波掠燕當風成曲折驚
魚沒藻起盤渦濯纓自與清淮約不用臨流嘆
濁河

臥起

臥起蕭然雲水鄉閒看日蔭弄朱黃窻楞白紙
縈香篆簾影清流潑硯光木葉波還生近渚漁
歌風欲起斜陽不須更作滄江夢淺水蘆花興
已長

阻風滿家灣

弱纜難爭萬里程黃河東岸一舟橫潮來陣馬
如分勢風急檣烏自作聲柳市三家成小聚桃
源數里得虛名欹竿側施非吾事坐看千帆盡
日行

題淮陰侯廟

淮水城南寄食徒真王大將在斯須豈知隆準

如長頸終見鷹揚死雉殉落日井陘旗尚赤春
風鍾室草嘗朱東西塚墓今安在好爲英雄奠
一盃

信母墓爲東塚
漂母墓爲西塚

過淮上二絕句

漂母祠堂落炤邊城南垂釣故依然君看市北
紛紛者何限淮陰舊少年

其二

烏盡弓藏事惘然英雄終不受人憐生平跨下
能蒲伏只是羞隨噲等肩

後飲酒七首

傳橈買滄酒但說孫家好酒媪爲我言君來苦
不早今年酒倍售酒庫已如掃但餘六長鉶味
甘色復縹儲以嫁嬌女買羊會鄰保不惜持贈
君君無苦相勦塗潦泥活活僮僕平持抱鄭重
貯船艙暴富似得寶明燈吐新花夜雨響秋草
君如不快飲負此酒家媪

其二

攤書晝日臥流觀范曄史可憐齊武王大業困
蟲螳赭汗擁牧兒刮席奉更始終令田舍翁應
符作天子達哉蜀婦言朝聞可夕死載尋黨錮

傳談虎欲擊齒杵臼貯心胃撞春自觸抵呼兒
浮大白爲我澆塊壘飲酣發酒悲泣下露泥泥
上爲劉伯升下爲李元禮

其三

驅車出春明辦嚴不宿昔故人憐我去追餞城
東陌烏帽去已遠白雨泥盈尺登高共凝望癡
坐到日夕我行感離羣聞此長嘆息孤舟雨濛
濛落葉風策策因知故人心念我獨行役一杯
代酬勸亦復進脯腊心口相勞苦手腕互主客
願因西北風寄聲故人側酌酒如見君無爲此

相憶

其四

春風來優柔取次土膏脈鳥嘯花茸茸冰澌水
拍拍秋風颯以緊搖落在片時甫下洞庭葉已
折庭樹枝春風類膏澤著物光融融能增綠鬢
絲轉使紅顏紅秋風多慘悽中人如痲疔薄寒
膚疹粟增獻體伸欠我本悲秋士又作秋風客
蕭然命尊酒慰此風雨夕一酌解煩醒再酌生
芳菲三酌景風至熏然襲裳衣大哉造化力四
時遞平分至哉醇酒德斟酌回陽春

其五

孤生踐駭機薄命輕秋豪天地爲洪鑪燎此一
牛毛流言浮巨石積毀銷脂膏自分老頭顱疏
輓寄歐刀介恃聖明主奉身歸蓬蒿自茲保
兩手安穩持霜螯何以明君恩瓦盆傾濁醪
一斟又一酌載詠康衢謠

其六

清辰開酒罌有物如凝脂團團相糾結輪囷復
葳蕤炤眼截如肪觸手滑如砥嫩如小兒掌甘
如妃女飴馨香撩鼻舌三嗅涎流匙罌頸僅容

指膏乳非人爲浮蟻不足言無乃真肉芝或云
酒之精汎盜脫糟醅醞釀金玉漿氤氳結甌甄
服之爲列仙匪獨可療饑事雖不經見此理誠
有之酌酒自慶喜醉倒成鴟夷

其七

我飲非大戶頗自嫌甜酒雖無滿座客亦能致
好友不招惡客來一任窮賓走當歌每分夜醉
花自宜晝厭厭復陶陶意不在五斗渴飲劇卷
波叫呶沸招手醉在木杪坐吐向車茵嘔譬如
登徒子可謂好色不我欲定酒律訊彼醉鄉叟

此叟方茗芋頽然指吾口

八月初二日渡淮

秋老長淮草尚青孤裝搖曳一浮萍關心舊雨

還今雨回首長亭復短亭泛檝宛如窮估客懸

車卽是老明經到家慈母應相慰白髮新添又

幾星

淮屋記淮安太守許同生作淮屋之事也

淮人作蘆屋縛蘆爲桷椽輒擊省塗墍樽櫨無

刻鐫結構樸而雅庀治廉且便許君守淮陰但

飲淮上泉歸來結淮屋亭午猶醉眠人言蘆爲

屋嘗恐火

不耐久風雨易

竹樓安在哉其名

露筋廟

露筋夫人

任啖冰

夜漫漫

牙利君

高郵

高郵

水夢風荷
尋殘葉明
弓君莫問
釣舟

初學集卷第八

牧齋初學集卷第九

崇禎詩集五

起巳巳八月
盡四年辛未

巳巳八月待放歸田感懷述事奉寄南都
諸君子四首

留都文物漢西京
虎踞龍蟠集俊英
高廟神靈嘗陟降
中朝佞倖敢縱橫
瑣闈月白鍾山曉
烏府霜寒淮水清
望盡浮雲天北極
長安應見秦階平

其二

舊京清議仗羣公
驛騎橫飛諫紙風
拜表日行

黃道裏焚香心在綠章中唐麻感激排狐鼠漢
黨分明辨馭鴻主聖時清還努力孝陵佳
氣正葱葱

其三

三老衣冠在白門清朝麟鳳尚郊原積薪國有
優賢意碩果天遺舊德存安石流風傳賭墅半
山陳跡說爭墩金陵歷歷前朝事退食還應一
笑論

三老謂司農鄭公三俊大憲
陳公于廷大理徐公良彥也

其四

白浪橫流捲濁河餘生剛比一毛多羣公正議

排闥闔聖主深仁解網羅小圃春陰閒汲甕
孤舟野水老漁蓑輪囷尚有心期在獨倚樵風
寄浩歌

反東坡洗兒詩已巳九月九日

坡公養子怕聰明我爲痴獸誤一生還願生兒
猴且巧鑽天驀地到公卿

宋比玉過訪虞山將別以六絕句爲贈

落葉蕭蕭響徑莎兒童却掃遲相過看君漫滅
懷中刺恰稱閒門有雀羅

其二

突兀長篇賦荔支主文譎諫起人思歌樓酒壁
從揮灑且莫流傳諷諭詩比玉賦荔支長篇有樂天諷諫之遺

其三

五斗酒應饒下物八分書足張去吾軍疎窻小
閤初冬夜月落歌殘可少君

其四

吾谷丹黃似夢中經過每欲吊西風詩朋禪侶
凋殘後也似霜林幾樹楓

其五

膠水休爲長鋏歌州民地主遲君多南翔便是

西州路匣硯囊琴忍再過

南翔李長蘅所居

其六

葺城寒月正如規列屋徵歌鬪十眉寄語主人
應醉客莫嫌宋玉有微詞

比玉將行次前韻留別再和六首

幾樹梧桐一徑莎君行剝喙少人過衡門兩版
堅如鐵不用門前更設羅

其二

陳紫姚黃品荔支謫官風味正堪思對君畫筆
流涎劇况味梁溪斷送詩李忠定謫沙陽有畫荔枝詩以陳紫比姚

黃又詩云不知誰是善知識斷送歸來食荔枝
此玉畫荔枝懸余小閣中見之者以為可旋摘也

其三

三杯自可觀觴政一日那能廢酒軍莫道醉鄉
無史牒酒家南董定推君

比王方修酒志

其四

十載清游在眼中霜林共惜小春風白頭伴侶

三人在約略心期愛晚楓

孟陽楓林遲比王詩云前期尚有遲來客

莫發小春花信風去今十三年同游李長蘅僧等慈皆沒

其五

手自鳴琴客善歌淋漓潑墨酒邊多璫花珠月
如相待便似當年老鐵過

其六

畫船携得硯如規會向春紅伴畫眉珍重朝來
遠山色小鸞休咏白頭詞

比王載宋硯甚富小鸞比王妾也

比玉許再和前韻長至日蚤起復書此趣
之三

斗柄瞻相手自莎

經典釋文煩潤猶接莎也

人間屈曲偶經

過笑君尚護仙人短顧我依然口縷羅

比王書來嘆余

屏廢故云

其二

踏遍炎荒喫荔支輕紅旋摘也堪思梁溪詩云
自提不如且對胭脂畫棊几湘簾賦小詩

其三

落魄風流迴不羣酒場騷壘自能軍微詞若道
無人解何事登徒也識君

其四

吳儂難得到閩中想象生香是捉風脫略味香
單說色判他紅荔似丹楓

其五

茸城聽遍後庭歌還憶梅花拂水多一樹莓苔
數枝雪凌寒著藥待君過

其六

北嶺參差露半規西山重疊隱修眉登樓何限
思君意簾閣焚香讀楚詞

次韻何慈公歲暮感事四首

薊北兵塵逼暮冬菰蘆愁殺老吳儂龜劔但為
知人事蟻鬪誰能壯國容拔宅升天還有路乘
桴入海欲何從殘生顧影真堪笑好笑非關學
士龍

其二

梅信差池鶴夢寒
傍簷聊喜鵲聲乾
途窮白髮猶難放
身老陰符已不看
南海騎麟真漫浪
東門逐兔枉悲酸
齋鹽且喫殘年飯
兩耳那堪著

箭瘢

用南唐王與事

其三

空堂莞藉正幽幽

韓詩空堂幽幽有藉有莞

高枕慙非抱膝

流老去童心還似少
春來蓬戶只如秋
硯澌凍合愁南牧
鉶酒香濃念北郵
寒瘕頗思龜手藥
百金安敢覲封侯

其四

風雨漂搖不可當
清虛宮裏日差長
鬪碁小試行軍法
撒豆頻誇却敵方
閒逐鄧林搜棄杖
戲禁滄海學栽桑
險竿兒女西涼伎
贏得先生一哄堂

野老

野老心終恨虜驕
扶藜咄咄步中宵
卽看露布來京國
無那雲林遠市朝
筵卜頻煩欣竹算
鏡聽瑟縮畏詩妖
輟耕今日欣相告
嵩祝仍趨誕聖朝

讀史

班史才繙又短長閑鑽故紙費商量死人豈必
無生術今病何曾乏古方種漆樊侯知備豫解
絃董子會更張空齋白日聊成夢一笑依然看
屋梁

庚午二月憨山大師全身入五乳塔院屬

其徒以辦香致帛奉述長句四首

墮山如乳五峯垂一塔巋然掩導師面壁朝來
仍入定藏舟夜半已潛移影堂落月明燈在刻
漏穿花響梵遲莫問阿師聲後句臥龍岡水繞

堦墀

師臨終不作偈有學人妄添蛇足故云

其二

如王氣宇更誰先蹴踏平欺龍象筵斷取陶輪
憑手掌破除彌戾等雲煙空山月炤苔龕裏春
日鶯啼石塔前猶有六時喧瀑布諸方驚倒野
狐禪

其三

龜毛兔角不須疑千偈瀾翻信口為支遁何妨

通義學遠公原是老經師

周續之與雷次宗同受遠法師詩義見詩

經疏

冰山瘴海埋身處木索冠巾說法時讀罷

豐碑度林樾香爐峯頂月如規

其四

猶憶拏舟夜別師胥江水落月斜時草堂未踐
青山約蓮社空餘白首期坐斷風雷成小劫夢
回甲子看殘棊傷心誰繼蕭夫子謂宗伯宣為
化公也
斲曹溪第一碑

贈廬山知微長老

大師昔陷若盧獄長老一身視饘粥大師今埋
五乳峯長老六時司鼓鐘死生形影不相捨長
老為雲師為龍大師石塔何崔嵬影堂正向廬

山開焚香掃地坐復臥臥聽瀑布如崩雷塔裏
明燈嘗不動塔前青松手所種若問長老年幾
何長老身心盡如夢

瓜山沈老居北郊茂瓜丘老而好事賦以
贈之

巾裁白氎杖紅藤丙舍青山近可登叢桂秋風
生北郭種瓜朝日曜東陵繁華眼底看巢燕矍
鑠眉端想臂鷹老去光明須記取祝君嘗比佛

前燈

沈老深目高顴里人有
老人燈之目故戲之

戲為拂水築臺歌贈嘉定夏生華甫

拂水山高屋庠下况復蒙茸隔林莽墻外青山
自矗立招邀未肯入庭戶徙倚觀山意未愜何
繇收攬得十五今年疊石爲此臺面勢軒敞恣
所取向背數步藏曲折位置羣山就仰俯劔門
闔扇手可排石城雉堞指能數此山與我非生
客欣然故人覲眉宇蜿蜒似可下枕席傲兀頗
欲分笑語登臺四顧咸歎息問誰築者夏華甫
夏生豁達俠者流酒後槎牙出肺腑爲山一簣
雖細事如登將臺握齊斧山氓蚩蚩園丁笨轉
圓鬪筭類搏土刻漏立表各命工能驅市人束

部伍輿謗聲闌畚築罷獨提巨石手撐柱不煩
執秩爭用命日旰奮迅逾亭午又如大將督戰
陳身先士卒共甘苦人言夏生築臺好生也俯
躬但傴僂指麾幸有松圓老敢貪天功僭旂鼓
此意逡遁人豈知說禮悖詩聞自古君不見東
方羯奴躡畿輔去年血濺蘆溝橋今年塵暗平
灤土朝廷將吏盡賈豎天子拊髀思文武夏
生夏生吾惜汝投石馭衆氣如虎何不置之遵
永閒付以長繩縛驕虜

夏日偕朱子暇憇耦耕堂次子暇訪孟陽

韻三首

面湖軒敞背山深小築依然是故林清簟看碁

方丈客

等憇居山中縛禪之暇觀碁至夜分

看奕碁

夜燈聽雨十年心遺民老似孤花在陳跡

閑隨舊燕尋擬著此中棲逸史遠從虞仲到於

今

其二

艱危閱盡想方袍收拾殘生避豕豪一酌春醪

營我老千章夏木為君高圖山墨漫西湖雨煮

水茶生北礪濤稍待秋風到蘆荻共尋蟹舍上

魚舫

其三

澹景芳陰梅雨時過雲相訪少人知紅稀舊圃

羣蜂去青暗重林碩果垂澗底流泉穿石急松

閒明月出林遲他年終作三休侶乘興先為結

隱期

干將行

庚午五月十三日傷臨邑司馬而作

君不見莫耶之劔缺黍米姑蘇梧桐臥流水莫

耶舊恨今已矣又見干將死獄底干將鑄時光

屬天百神下降蛟龍纏鬼怪相戒匿形影攬槍

不敢爭妖躔可憐劍氣一朝盡黑獄沉沉埋血
燐牛斗變化知何日貫索光芒竟誰問君不見
延津龍去有餘悲還憶吳宮麋鹿時無復湛盧
誅宰嚭爭傳屬鏤賜靈胥

贈張五叔維

幾枝檉柳半床塵門外青山過雨新送米僧來
嘗共食乞花客至已忘貧屋如韓愈詩中句
破屋數間而已矣身是王維畫裏人一曲洞簫判盡醉
桐華滿地月如銀

崇禎庚午中秋日拜觀睢陽五老圖敬次

三立杜正獻公原韻

鬚眉中屨盡高閑瞻拜修然整敝冠舊德至今
傳五老豐碑何用視三桓枝茅事往風猶在舉
網誅成骨已寒嘆息昭陵還盛世儀刑長向畫
圖看

八月十二夜

憑闌風露浩難收旋覺清光在上頭橫攬煙巒
成小築平臨雲物見高秋
時秋水閣初成與孟陽緣梯登眺月
穿窈窕山皆漏湖逗空明野欲流尊酒相看多
遠思蘆花如雪記滄州
余去年過滄州有懷孟陽詩

十三夜

石城雲散暮煙收
冉冉清光兩白頭
坐久湖山皆得月
望窮天宇始知秋
浴鷗汀渚層層出
沒鶴溪田澹澹流
盃酒勸君成一笑
長鉞那得更滄州

十四夜留吳門卞潤甫

傍嶺新成駐月樓
客來恰喜值中秋
苦多風雨催君去
借少湖山爲我留
滄酒淡堪澆小戶
漁灣淺可繫扁舟
劫灰金虎繁華夢
莫對佳晨憶二丘

十五夜不見月

兔遠蟾高不用愁
浮雲只在屋東頭
雖虛灑灑金尊炤
却掩蕭蕭白髮羞
栖鶴毳毳思北嶺
啼蜚清切近南樓
更闌且對殘燈臥
領略孤衾一段秋

十七日雨中小酌卽事

稻花風急浪花催
湖外重陰積不開
好客恰如將雨至
清歌直欲送愁來
雲霾月窟千層合
日射山根一颭迴
棊罷燈殘北窻下
秋蟲多處重徘徊

嘉定李茂初風雪中自南翔過訪不值而
去留詩盈帙頃復枉和初夏次韻詩見懷
遂依韻奉荅首章傷長蘅之逝而末章則
期茂初之來茂初長蘅之兄也

嚶水池塘草又深檀園園柳蔚成林新桐但引
清晨恨長蘅檀園引新桐落葉空驚獨夜心佳
句見君還鬢髯懽除夢可追尋劇憐一掬南
翔淚兩度西風忍到今

其二

百里嚴風刮敝袍吟髭凍合想抽豪論交自爲
冰霜苦煉句偏於寒餓高滄海我真愁瀕洞菰
蘆君亦嘆波濤斜風細雨松江路蓑笠何因共
小舸

其三

蕭閒山館晚秋時風物還堪報子知楓葉三分
霜點染荷衣十字雨低垂縣流磻合泉來早傍
嶺樓成月去遲相訪不須愁剝啄應門雙鶴有
前期

眼鏡篇送張七異度北上公車

西洋眼鏡規璧圓玻璃爲質象絢緣千年老冰

出玉淵巧匠消冶施刻鑄薄如方空吹輕煙瑩
如月魄濯清泉帷燈簾閣對簡編能使老眼回
少年蠅頭蠹尾如兒拳菴虱豈必非輪懸賈胡
贈比黃金千伴我綸閣今歸田短檠曲几相周
旋無復椽燭輝金蓮兔園敞用齧且穿礫碎讎
勘蟲魚篇此鏡失職吾所憐摩娑三嘆夜不眠
張兄偕計北上燕東芻糵絲當贈鞭侑以此物
非棄捐如遘美女詒朱鈞萬蟻戰酣晝日殷五
星明聚夜緯聯春蠶食葉秋毛旋此鏡燿燿開
蓋纏目光如炬筆如椽六丁下取奎避躔春王

三月花嬋娟紗燈玉斧聽臚傳萬言長策貢細
旃閣老次讀當御筵君家金鏡此其先天地章
光宜節宣有鏡覆目光乃全惟皇聰明曜八埏
冕旒蔽明垂邃延知白守黑通重玄眼有瘴膜
得鏡蠲如燈能炤日月偏竝觀兼聽無愚賢不
見煉石能補天老農潦倒牛背邊負日欲獻無
因緣長歌此詩風謠然願君採進重腫前

同徑山僧出郊看紅葉

烘日蒸霞萬樹堆石城應作赤城猜駐顏青女
能相待試手天公又一迴斜炤樓臺疑罨畫晚

風蛺蝶誤遲回老僧住近臨安路錯認漫山錦
繡來

十月十七日偕孟陽茂初步至寶嚴灣楓
林爛然因尋故人瞿元初墓徙倚寺前石
橋作短歌記之

谷林之西石城東竊紅殷紅燒去秋空誰知寶
嚴灣更好四山合沓藏千楓呀然一徑通窈窕
流丹絢赤相蔽蒙護惜霜風起屏幃包裹錦繡
圍房櫳我來步履如相引炤眼灼爍驚芳叢忽
如漁郎造花徑緣溪瞥見花茸茸又如天台山

匝匝好女離立矜春容煙林向背亂朱碧日景
穿漏皆玲瓏背日丹楓畫不出坐臥彌覺此語
工道旁宿草故人墓黃土正掩紅葉中追憶生
平腹痛語安得盃酒澆蒿蓬人言此墳古塔址
指點丘垤看龍從白楊蕭蕭響空谷長似鈴鐸
悲回風沉吟感歎古寺側斜陽猶炤一畝宮寺
門寒水石橋下恰有一葉流殘紅

次日自拂水步至吾谷登南巖憇維摩寺
金粟堂飯後下破山過高僧墓與孟陽尋
等慈和尚葬處薄暮而返卽事爲詩語不

倫次

意行曳杖隨所騁遙林紅葉紛相請信步谷林
凌坡陀矯首維摩限煙嶺惠不在天行卽到一
笑欣然發勇猛追趨樵子穿犖确提掇裳衣避
柴梗携手反平晒僮奴喘失脚恐踏後人頂石
徑登登磐石出岫轉峯迴在俄傾老僧導我游
南巖巖踞山巔儼項領突兀盤杆列兩湖滅沒
煙塵生萬井灌木森如百頃未俯視楓林背日
景丹丘錦城斯在下紛紅駭綠誰能整恍然生
身色界上累蘇積塊何足省虛堂像設禮金粟

空山精怪見銀杏淨名無言我亦默饑來且噉
蔓青餅碎塵試辨古石鉢揀芽約致新土茗齋
鐘撞罷尋破山松風颼颼四山靜笑揮復輿却
竹杖判將老足試頑礦高僧墳畔僧族葬空心
潭下無潭影空門何用悲宿草吾友多情淚如
綆今年冬暄霜未濃丹楓爛結丹砂永殘紅恰
似佳人老夕陽更愛晚粧靚閑身良友好風日
天其以此慰幽屏清游無緒心自縈歸塗雲物
彌炯炯揮手且與山僧別多謝維摩老木癭
題李長蘅爲吳生畫溪山秋靄圖

吳生遇盜事亦奇襍被囊琴暮雨時向盜乞畫
真癡絕盜亦欣然還擲之此畫經營良不苟老
樹槎牙怪石走豪奪巧取或可慮豈意魯弓還
盜手今年逢君書畫船收藏欲厭宣味編展玩
竟日頭目運更撫此卷心茫然水墨淋漓如欲
語眼中斯人定何許畫裏還看漠漠雲燈前自
聽瀟瀟雨詩腸淚眼半焦枯短歌偈塞堪盧胡
憑君更屬松圓老爲寫江干乞畫圖

冬夜觀劇歌爲徐二爾從作

金鋪著霜月上楹高堂綺席陳吳羹撞鐘伐鼓

催嚴更促尊合坐飛兕觥蘭膏明燭凝銀燈缸
花夜笑春風生耀踰蹴水光盈盈繡屏屈膝圍
小伶十三不足十一零金花繡領簇隊行行列
參差機體輕宛如魁壘登平城涉江采菱發新
聲紅牙檀板縱復橫絲肉交奮梁塵驚歌喉徐
引一線清江城素月流雛鶯歌闌曲罷呈妙戲
俵童當筵廣場沸安西師子金塗背擲身倒投
不觸地尋撞上索巧相背須臾技盡腰鼓退西
涼假面復何在險竿兒女心猶悸滿堂觀者爭
愕眙人生百年一戲筭郭郎鮑老多顛悴今夕

何夕良宴會主人携酒坐客位秉燭歡娛笑惜
費舞衣却卷光綵絳歌場尚圓聲搖曳眼花耳
熱各放意客歌未晞主既醉

徐于王挽詞二首

夢雨庵中幾夜分綠尊絳蠟共知聞海棠小院
春深雨楊柳新詞日暮雲貧病不愁添白髮彌
留猶悵別紅裙與君花下多游跡但遇花時便
哭君

其二

箱篋蕭然屏當時爲君閒理舊蛛絲蟲魚想像

旁行字香粉凋殘豔體詩廢圃蜻蜓栖菜甲空
廊蝙蝠撲花枝秋來無限傷心處鄰笛斜陽又
一吹

贈新安汪景謨

汪精於鹽筴
時僑居廣陵

十里紅樓映好春朱顏綠髮紫綸巾少年曾儼
龍頭客此日真成鶴背人后土祠前花似玉軒
轅鼎裏永爲銀竹西歌吹重城月爛醉從他淮
海塵

其二

閱盡滄桑鬢未華悠悠人世幾蟲沙憂時尚貯

桓寬論爲國空餘卜式家方朔舊聽金馬詔陶
朱終泛五湖槎迎仙樓畔多仙侶進酒應將棗
似瓜

庚午除夕次孟陽山中詩韻

除夜蕭條風雨晨庭萱侵雪旋生春爆殘竹似
蕉園稿時神廟實錄告成故事實符換桃仍
華戶神不用署門辭過客也須謝竈請比鄰山
中喜有林逋在自與梅花作主人

辛未元日次除夕韻

流年赴壑值斯晨歷落艱危五十春已與昌黎

同命主更推渤海作詩神

謂高達夫也

移山莫問河

濱叟卜宅還招栗里鄰拜罷北堂無一事商量
蠟屐伴高人

新歲有感次前韻二首

頌椒銘栢競芳晨只有寒門怕放春世少窮交
休著論宵多愕夢不驚神履霜往往悲中野乞
火紛紛媿比鄰數樹江梅將破萼未知索笑向
何人

其二

焚香散帙坐清晨澁雨慳風妬早春依社憑叢

原是鬼牽絲刻木總爲神漢臣未可營居第齊
國還須卜市鄰取晏子近市貴賤之說聞道公車徵射策
少年誰似雒陽人

人日書事示李一孟芳用前韻

澹蕩風懷佳麗晨商量何法破新春築臺未許
逃文債作廟還應祀酒神人日梅花多喜氣草
堂南北有芳鄰與君便是仙源客莫漫招他問
路人

言樹堂詩爲金壇于季鑾作

高門何將將蘭綺臨通衢北堂高且靜網戶綴
綺疏夾窻夏爽爽複突寒渠渠堂中何所有規
地施氍毹筵席肆莞簟賓祭登牢蔬堂背何所
樹萱花滿堦除四垂復六出葉跗相扶疎壽母
居此堂有子承歡娛壽觴一再舉慈顏與萱如
萱花非桃李不隨春華徂萱樹非松柏侵雪長
卷舒光風轉蘭蕙庭萱與之俱綵衣戲堂下翩
反遞相於子潔比白華朱萼被絳趺映帶萱草
色丹白紛蔽敷嘉名應宜男孫枝美且都芳蘭
茁其牙靈芝產坐隅我思潘安仁奉母賦閒居
珍木映池沼繁榮翳屋廬乾沒有明訓止足良

厚誣終然負阿母千載爲嘆吁豈若樹萱者色
養自有餘蠲憂屏其貧養性遂厥初小人亦有
母寸草心豈無爲君歌此詩紳帶還自書

感秋二首

辛未立
秋日

扁舟約略潞河東去國孤身似斷蓬已是三年
成昨夢漫餘雙鬢待秋風燈前波浪中宵雨簾
外榮枯半樹桐自分無才方宋玉不將搖落怨
天公

其二

腸斷都門送別人三年懷腹字猶新朱厓夢入

真堪畏碧血藏來可化塵容鬢爲君添颯拉心
期愧我尚輪囷飄搖一葉知何處轉向秋風歎

此身

臨邑司馬沒於請室時復
見夢故有李朱崖之感

送南刑部侯主事入賀冬至節觀省其尊
人太傅公兼奔長公之喪

清時貴戚總能文瓊萼瑤枝孰竝君觀省長安
元近日會朝夕至正書雲石城皓月懸鳩署易
水寒風掠鴈羣燕市停鞭倘相憶玉河落葉尚
紛紛

讀汪三遺民詩集

柳老鶯殘笑白顛長干遊跡尚依然閑尋舊句
如藏謎細讀新詩當紀年世事慵騰中酒後交
情約略看花前曉來頻嚏緣何事應爲衰遲綴

此編

注詩多列貴游余亦附名其間故有此謔

戲題徐元歎所藏鍾伯敬茶訊詩卷

鍾生品詩如品茶龍團月片百不愛但愛幽香
餘澁留齒牙徐郎嗜茶又嗜鍾生詩微吟短咏
爬癢處恰是盧仝飲到搜腸破悶時鍾生逝矣
徐郎慟吟詩啜茶誰與共生平臭味阿堵中生
作茶郵死茶供今年徐郎示我茶訊篇兼携好

茗穀雨前坐聽松風沸石鼎手汲雲浪烹新泉
茶罷還枕石礪眠沉吟茶詩欲泫然高山流水
在何許但見風輕花落紫茶煙我不解茶又不
知詩一碗兩碗天池六安茗一首兩首黃金白
雪詞慵騰茗芋良足樂清吟韻事非所宜還君
此卷成一笑何異屠門大嚼眼飽胸中饑

星士陳叟生子

老蚌珠光炤海東東臯佳氣正籠葱莫嗔問字

爲遙集

其母燕婢也故有遙集之謔

且喜呼名是小同

與其父年

同取義更切也月皆同比鄭小人世但求庚癸足生年更要甲

辰雄三奇六合人誰曉湯餅筵前問乃翁

送人之廣東

客衣初授省裝綿南食秋衾楓葉邊不是之官
持漢節何妨過嶺軟貪泉兵依黃木占烽戍吏
映紅蕉望海船驛路逢人還問我為言霜鬢正

蕭然

客先自嶺海回驛人多問余起居

戲題王德操小像四首

在家真可著袈裟七尺枯藤兩碗茶還有閒情
難忘却虎丘明月馬塍花

其二

靜夜然燈響木魚清晨鉞拂赴精廬眉間黃氣

緣何事新得蕭孃一紙書

德操長齋入道與草

衣道人有世外之契

每得草衣手跡籠置袖中喜見眉宇人望而知之

其三

也是詩人是道人等閒風月間關身虎丘燒了
王微嫁更覺枯禪氣味真

其四

龐公靈炤機相似通德伶玄意若何却怪畫師
非石恪不將天女伴維摩

辛未除夕

除夜柴門獨放閑
新愁舊夢總相關
半生心事寒燈裏
數載交游宿草閒
懶聽比鄰喧爆竹
笑看童稚撞冰山
春風一櫂滄浪曲
應占漁莊第幾灣

初學集卷第九

牧齋初學集卷第十

崇禎詩集六

起五年壬申
盡九年丙子

壬申元日

元日幽居一事無
雀羅寂寂到朝晡
人教老却衡門裡
天爲粧成臥雪圖
時事總憑新燕子
世情只笑舊桃符
停雲八表知何意
且坐東軒進一壺

人日得張藐姑刑侍書却寄

書閣摩挲嗅古香
冰消硯北逗春光
蕭條歲序逢人日
迢遞音書到草堂
天井烽煙新壁壘
玉

關雉夢舊風霜天涯相望俱頭白各對梅花說
斷腸

卜肆行贈毘陵周午陽給諫稼軒推重午
陽時時延致問卜故以賈生爲喻

君不見雒陽賈生能籌國篋衍新書治安策痛
哭流涕長太息身逢明盛心偏側漢朝卿相疾
如讎讒言堆積成山丘填胸攢眉不稱意洗沐
出游長安市忽逢季主談天人伏軾低頭心欲
死世運箕風還畢雨可憐賈生心獨苦前席居
然答鬼神長纓何日羈胡虜有人如鳳復如鴻
長笑端居卜肆中微言但託龍門史世主徒聞
河上公

新安汪烈婦歌

君死妾亦死君往泉臺盍相俟君死妾暫存數
上日送君歸墓門君身已葬君有息妾下從君
乃其職七日不食我何求區區寸心庶不食世
閒男子一種饑餓腸紛紛籍籍食粟如螽蝗豈
如汪家新婦不食死千年梁黍堆廩倉吁嗟乎
首陽之風今已矣宋家枋得亦如此

題相士倪生卷子

二十年前識君父期我飛騰起雲霧祇今晚
又識君霜毛雪鬢徒紛紛人生能得幾二十觀
河皺面何足論鳶肩火色誠何有曷鼻黧顏戲
已久誰令鄭圃還食豨但見魯門如喪狗勸君
揩拭兩青銅相法如今也 不同塵埃若欲知卿
相先看顰頭鼠目公

寄荅廣東孫方伯恭甫

攤書潑墨笑窮忙散髮蕭然作報章閣筆爲君
嘗異味開函知我熱名香清齋荔子充堂食長
日蕉陰轉印床會得故人訓贈意披襟分取北

窻涼

仲夏觀劇歡讌浹月戲題長句呈同席許

宮允諸公

浹月邀歡趁會期老夫氍毹也追隨可憐舞豔
歌嬌日正是鶯啼燕語時中酒再霑年少病討
花重發早春癡閒身好事渾無賴看取霜毛一
番遲

其二

桐花風軟燕泥新一月歌場疊幾旬小戶權爲
衝酒客大家挨作佐別花人追陪歡讌應賒老

驅使風光莫較貧處處典衣鋪妓席知誰相笑
又誰嗔

其三

選勝偏宜朱夏長追歡更覺白頭忙熟梅雨殢
三分酒眠柳風吹一國狂飲劇好更新幟蠹曲
喧休紊舊宮商叫喚莫謾嘲長夜日月何妨在
醉鄉

其四

衆中歌笑自言殊冉冉風光溢步趨點拍更誰
傳滿子歸來但坐看羅敷青袍便擬休官在紅

粉還能入道無筵散酒醒成一笑鬢絲禪榻正
疎蕪

負郭

負郭猶餘種秫田合歡長似在花前鴟夷盡日
嘗盛酒銅狄他時幾問年阮氏籍咸俱作達公
孫朝穆故堪憐執盃持耳休辭醉笑口難逢正
月圓

壬申九月得萊城解圍報

山東盜方熾勦撫策未分援兵頓不進瑟縮蟻
子羣萊人易子食督師瑱不聞 聖人赫斯怒

西臺遣監軍王生善推命勸我無憂謹謝君足
辦賊談笑行策勳旬日邸報至捷書果云云萊
城頓解圍登賊祇游魂惜哉王生術何不獻吾
君坐看肉食者薨薨聚蠅蚊空樓下梧葉颯如
實秋雲呼酒互持勸一笑日已曛

贈萬尊師

峨眉秘籙爲君開又向天師受職來赤日吹唇
俄致雨青天撚手旋轟雷獄成百怪銜符至壇
輟羣神作禮迴莫爲社公頻發怒人閒狐鼠正
喧逐

石田翁畫奚川八景圖歌

奚川八景圖石田翁爲七世祖理平公及其兄
理容公作也二公家世畊讀隱于奚川撮其勝
槩釐爲八景學士大夫咸歌咏之石田爲補圖
而系之以詩然而家譜失載家人宗老亦罕知
者則其去吾家久矣廣陵李沮修見之於金陵
王氏詢知爲吾家故物購以見詒百三十年之
後頓還舊觀焚香展卷欣慨交集遂作歌以記
之繼聲屬和竊有望于君子焉

吾祖舊題奚川景石翁爲作奚川圖廣陵封君

好事者金陵購得歸于吾措摩老眼細瞪視夜
枕不寐朝忘饋恍惚移身入畫裏故園喬木風
景殊先從江邨見小市誅茅蓋瓦互架鋪洞庭
蝦菜朝走集新豐雞鴨暮識塗楊柳微風颺酒
幟杏花小雨提村沽市旁石橋枕江臥紅欄綠
浪臨交衢青箬裹鹽來浦漉綠荷包飯歸菰蘆
烝徒欣欣如有喜倘免厲涉羣謹呼茅屋滄洲
自映帶書聲漁唱相縈紆江流無聲清夜永有
人引書仍挈壺蟹舍中間訪隱逸牛欄西畔尋
生徒原隰坡陀似山麓行人不于通樵蘇千迴

萬抱風氣密中有兆域闕青烏帝鄉白雲封宰

樹長江落日懸龜趺流泉夕陽昔相度江流地

勢原相扶柳溪竹里閒阡陌柳溪理容公所居竹深堂理平公所

居也二公皆以自號築室穿池連路隅竹深堂高日清闕

琴劔彝鼎羅氎湯東谷記云中有瑤紙窻攤

書宿燈火石鼎聯句皆笙竽堂中高咏者誰子

得非草窻東谷無草窻劉公溥東谷湯公胤績與七世祖為詩友所謂景泰

十才子也贈送詩各見集中此圖盤礴非草草想見閣筆還

操觚有竹庄中好賓主有竹居石田寒冰栗玉

清眉須攜畫歸來水月舫七世祖有舟名水月舫東谷為長歌况

弟賞鑒頻歎吁收藏豈乏牙籤插愛惜寧將寒
具洿清平之世忠孝家有此識字畊田夫吾祖
風流良可繼子孫不畊且讀何其愚嗚呼不畊
且讀何其愚

再題奚川八景畫卷

榮木樓頭風日美秋光滿簷鵲聲喜百年畫卷
今來歸水墨清妍炤斐几焚香洗爵告家廟插
架懸籤壓圖史楚弓人得豈其然魯王盜歸安
足擬晴窻簾閣重摩挲吾廬宛在奚川淚吾家
先世事畊讀風光盡入此圖裏白雲迴合藏松

楸喬木叢攢識桑梓宅畔新成百步橋墳旁手
闢千家市良田廣宅互經營水垞江邨正邈迤
竹深堂前竹萬箇柳溪溪邊柳三起柳陰藹藹
連粉榆竹箭森森勝桃李連畛拒陌多種瓜樊
圍編籬不用枳野店春風魚菜來長江落日帆
檣止漁唱悠悠蘆渚閒書聲琅琅茅屋底犢背
或看書掛角庭前時見麥流水秋依月令戒登
穀春按豳風勸于耜輸租不憂鼙鼓煩種秫每
詫甕缸侈綠樹長維書畫船青門頻倒逢迎屣
高人談經日異糧好客哦詩夜同被草窻先友

竝崢嶸竹屋遺詩尚綺靡

七世祖詩名竹深遺稿湯東谷深所推服

承平王孫人共羨文采風流更誰氏自從後世
占科第舊業依然枕江汜嗟余刺促罹世網白
首孤生繫碁几二項負郭苦失計三閒老屋知
誰是故園門巷長蓬蒿西風罷亞生荆杞慵惰
有似僧退院漂泊恰如舟未艤布衣躬畊諒非
晚閉門種菜真窮矣垂老重看石田畫三嘆先
疇在故紙奚川流水想桃源竹深亭館思竹里
謝公述德吾豈敢右軍誓墓徒為爾已分殘年
老襍褻更囑添丁充耘耔往不可諫來可追矢

詩聊以貽孫子

東臯種菊詩四首贈稼軒給諫

君畊東臯田復種東籬菊王績與陶潛俯仰共
一屋東臯黃花時悵望節候獨陶令苦乏酒辜
負葛巾漉羨君浣溪堂秋菊粲盈目有花復有
酒開筵招近局何須嘆荒寒已許占清福酌酒
酌兩賢如農祀先穀

其二

菊以黃為正君子正其名所以東坡老欲掃紫
與頰東臯千株菊畦圃吁未經單心復纏枝千

葉并萬鈴庶以說耳目何用攬品評節物苟如此敢與時好爭高咏南山詩悠然想淵明

其三

胡廣患風疾休沐飲菊水八十猶克壯侍母謝杖几庸庸撓大議公台負譏毀惜哉神仙藥遺穢等馬矢靈均餐落英早沉汨羅死安知椒蘭徒壽考非伯始種菊愛其芳紛紛且休矣不如飲君酒共醉寒香裏

其四

種菊東臯上所喜秋露灑移檻復列斛馥郁開草堂叢菊如羣賢不雜屠沽行其中高秀者黃衣傲風霜對之不敢媿肅拜陳壺觴君爲醒無功我似瘖子光秋光淡如菊燕靜彌芬芳老圃良足學晚節安可忘肯哉東臯詩山菊秋自香送座主王文肅公之子故戶部郎中淑抃歸關中敘舊述懷一百韻

盜賊南山裏干戈左輔邊黔黎成狗鼠沃野變烽煙長吏嬰城免將軍棄甲端流離踰四塞侵略過三川力拒君何勇潛攻寇頗獯兒能張兩翼身卽領中堅據險乘墻屋飛機掬甌甌蒼頭

咸用命赤手或當先浴血捫創面椿喉數斷咽

長安舒羽檄餘賊返戈鋌戶部捍禦流賊身自搏戰賊退攜家集入

吳此後並述其事國有孤臣哭家亡坐客羶所欣文未

墜敢嘆室如懸秦市難增減金陵好契鐫提携

書數十跋涉路三千返水秋風急淮河落日玄

虺隤荒店馬眩運下江船握手翻疑夢沉吟却

問年酒巡街鼓緩語熱燭花圓撩眼風塵色經

心香火緣可堪今契闊還記昔駢闐此後並言文肅長翰

典試及余登第及門之事萬曆丁中葉三秦甲大賢舉朝推

柱地窠海望回天子又登高第師將秉化權槐

堂紆紫綬杏苑簇紅箋座主龍門峻諸生鴈塔

聯愚蒙慙造士流俗艷登僊衣鉢援垂手宮墻

企及肩斷金容冶鑄攻玉荷陶甄擬議綸扉筆

追陪浴殿員風從徵翕習雨散溝迤邐此後並言文肅

領袖清流黨人披猖避位去國之事世豫私門孽朝清國論偏部

魁南北署黨禁紹熙沿杓直星依指芒寒宿避

躔清流常皎皎醜類正騫騫伏莽興戎壯高墉

射隼便鐘原因物扣鏡不為人妍肯待三年報

都將一網寒構兵彌瀾楚餘燼合崑宣枉狀波

翻覆飛章矢屬連門蘭嗟并艾釜豆泣相煎保定

公為公元兄黨人借名齣自解蓬池直歸耕漆

水田人知馬融草孰贈繞朝鞭門人為臺諫起

融飛章之喻歛手臨空局樞衣任老拳城南瞻氣象

渭北釣清泉雜下居仍介關西望益專窻櫺題

障塞草野畫征塵虎觀敷陳邈龍樓羽翼捐儲

宮商老慮國步杞人憐紛濁登樓外憂危攬鏡

前龍胡銜主恤狼尾望公還天啓初以先帝舊

山斗看崔歸滄桑又改遷此已下並言奄寺鈞

少陽蒙出震雌霓比連卷簸扇僉壬巧馮依婦

寺癩決藩笞萬燦鈞黨考楊漣削籍空三事刊

章沸八埏拖腸難仰藥折骨美沉淵媪子繁螟

蟻閻兒長蝘蝓咸寧王紹徽新乳虎猗氏喬應甲老

饑鳶日日驚追捕家家庀橐餽檻車拌竝載牢

戶儘平填已下叙公憂憤沒身之事祈死身如贅憂生骨亦

痛鬼神猶助虐夫子遂長眠拉折靈胡掌崩隕

王女蓮關河悲黯慘魑魅喜蹁躑高冢侯芭土

修門宋玉篇百身吁可贖七尺媿猶全崇禎元年予自

廢籍召入京旋構暫許茅連茹俄看草蔓延孤

踪何樸遯羣刺總翩翩封印藤麻格堆盤火齊

鮮覆金供鼠赫點玉聚蠅羶共嘆詹來魯空招

隗至燕食寧留碩果飲遽散初筵霾曠箕風暗

飛流斗域殷觚稜朝戀闕襍被夜乘舩此以下

田屏居藿食還初服衡門省宿愆折錙煨粥飯自敘歸

禿筆弄丹鉛幸得懸車軸知誰任屋椽解嘲真

嬾作罵鬼託殘編小築西湖畔巾車拂水巔山

窻雲淦淦澗戶竹娟娟石罅泉奔射林臯月漏

穿拈花迎夏蝶選樹蔭秋蟬割肉歸神社挑燈

送佛錢經行尋北澗譚讌度南阡蟹舍長腰米

漁莊縮項鱖不材羞擁腫為用憚犧牲已下敘

中贈處舊雨來人少寒風送客旋含言心悄悄

分手淚潺潺弟子吾衰甚恩門或忘焉逢迎誰

倒度宴會罕加邊陸氏莊荒矣廉公市寂然世

塗同鳥鼠薄俗異夔蛇底事防人面何妨坐馬

韉文肅門生滿吳下郎中弛張求省括燥濕學

安絃物論將昭雪郎君定洗滌還期溫比玉莫

倚直如弦離別中年惡涼溫昔夢牽驪歌聲慘

愴雞酒恨纏綿下馬陵終拜金鑾集早傳賦詩

當贈處餐飯勉加旃

壬申除夕

流年告別又匆匆送歲蕭條不送窮撩眼光陰

燈火畔撞胸心緒漏聲中門符換却看新面書
蠹鑽餘識舊叢多謝天公耐貧薄一般白髮領
春風

癸酉元旦

壽觴初舉日曛曨賀客駢闐燕喜重羅雀驚飛
門屏外垂魚拜舞寢庭中流年荏苒看兒長報
國逡巡願歲豐奏罷綠章占氣象墻隅遙望朶
雲紅

乙亥中秋吳門林若撫胡白叔二詩人引
祥琴之禮勸破詩戒次若撫來韻四首

二老相依貧病鄉賣詩賣藥自成行病知居士
安心法貧得詩人換骨方有句却難償酒債無
畔聊省看排場蓮華世界君知否總向詩籤藥
裏藏

其二

說鬼頻煩及志支興來姑使妄言之尋仙却喜
華顛早失學翻嫌躑躅遲愛殺黑甜如混沌憎
他青鏡有妍媸達生頗羨東鄰老盡典衣襦合
舞兒

東鄰徐二
爾從也

其三

螳鬪龍拏總不聞
席門簾閣看浮雲
鵝籠出入偏藏影
豹脚飛鳴恰聚羣
葦笥家家愁繫藉
草堂往往勒移文
與君話到滄桑事
一笑挑燈已夜分

其四

殘生噩夢兩無憑
還似飛鴻乍離矰
酒戶下中禁亦得
詩腸枯澁戒何曾
鈎簾想像粘風蝶
穴紙商量放凍蠅
綺語未成先欲懺
炷香遙禮二

幢僧

白叔樹二經幢於花山刻二幢詩集

閒坐

青袍白馬已駸駸
閒坐東窻度暝陰
聖代自能調化瑟
孤生未忍治祥琴
功名豈是無因立
將相須從有福尋
苦向爨桐論斲削
勞薪長恐誤知音

北客

每逢北客怕趨陪
况復平津閣裏來
正好一涼蘇病骨
莫將殘熱惱寒灰
詔麻舊紙糊棋局
京雒新函拭酒杯
秋草蕭蕭鋤不得
無媒徑路任君猜

仙壇倡和詩十首

慈月夫人前身爲智者大師高弟降乩於吳門
示余曰明公前身廬山慧遠也從湛寂光中來
自忘之耳用洪武韻作長句見贈期待鄭重且
屬余曰求椽筆作傳一首以耀于世亦道人習
氣未除也余爲作泐師靈異記并和其詩十首
師示現因緣全爲台事現鬼神身護持正法故
當有天眼證明非余之戲論也

荷風晻靄日曛曛精舍焚香降泐公賸欲與君
談此事故應未始出吾宗人閒久已長迷鹿天
眼何曾誤識龍領取導師深重意醉花眠竹謝

春工

其二

月地雲堦觀閣曛夫人秩祀比仙公妙華已悟
三車法台教今爲繼別宗神降摘詞嘗吐鳳此
回卓筆欲成龍麻姑狡獪真年少擲米區區作
鬼工

其三

三生殘夢喚瞳曛記別深慙是遠公已悔六時
違淨業誰傳四始立詩宗盲人說法迷真象狂
子談禪好假龍後五百年虛囑累刹竿倒却仗

神工

其四

金闕寥陽曉氣曨綠章促數上天公帝方蒿目
憂黎庶君亦齋心相祖宗孤鼠亂行憑虎豹
魚蝦波及為蛟龍靈風肅穆帷中語憑仗神工
幹國工師憂時閔世每箋奏上帝情辭懇惻故云

其五

萬戶煙銷旭日曨扣門猶自夢周公中原血肉
悲朝市寢殿衣冠哭祖宗高廟神靈容鼠
雀皇天老眼混魚龍朝廷補袞知誰手組織

爭如貝錦工

師示詩為余白其貝錦故有此句

其六

熹微旭日隱曠曨猶喜人天眼至公言論無聞
疑叔度衣冠見慕愧林宗贈詩有叔度林宗之目生嘗畏
世諳談虎術不逢時學豢龍鼠臂蟣肝更何有
從今一一聽天工

其七

帝城雲物正曠曨尺一何曾及子公踰躋半生
悲宿業昇平中夜想神宗殘生却似重歸鶴
退士渾如未見龍身與蒼生同稿項敢云霖雨

待人工

其八

日薄懸車氣尚曠未應衰晚羨羣公勲名行輩
皆綸閣位業交游半岱宗師稱應山江陰俱為冥官綜核又
聞新丙魏拜稽空說舊夔龍茫然斂手君休笑
贏得空枰號國工

其九

仙壇樓觀鬱瞳瞳大筆真難繼魯公雙樹至今
留法寶五花那得蔽台宗闔廬城下聞經雉烏
目山頭聽法龍師許五月十三日降于余家應與諸天共盟

證待余結集付良工

其十

天門閭闔日瞳曨靈瓌傳宣佑鉅公天子鉅公也已
勅東皇邀木母更驅西伯獻河宗蕩除讒佞投
哮虎潤澤焦枯遣睡龍玉札金文司命誥仙班
咫尺領羣工師識天下方治平末章致頌禱之意

白叔德操傳起廢之信遺詩枉訊次韻奉

答聊用解嘲

病甕誰傳起廢年開械一笑晚風前雞因惜尾
憂瀕死鼠為拖腸怕上天貢禹冠應慙宿好子

公書肯仗時賢五湖儘有閒風月已具鷓夷舊
釣船

送陸大孟鳧之錫山學官

摳衣緩帶儼師儒顧影依然笑步趨客枕夢依
雙堠近秋室人共一燈癯橫經先誦披華賦設
教如頒調水符莫嘆廣文官獨冷老夫久已著
潛夫

答越卓凡憲副

中山篋裏謗書新博得沙場百戰身天以垂成
留劇賊帝將不死答勞臣衣深赭色橫戈久

筆退銛鋒草檄頻我欲爲君歌督護夜闌酌酒
向鈞陳

陸宣公墓道行

延英重門晝不開白麻黃閣飛塵埃中條山人
叫閤哭金吾老將聲如雷蘇州宰相忠州死天
道寧論乃如此千年遺櫬歸不歸兩地孤墳竟
誰是人言藁葬留忠州又云徵還返故丘圖經
聚訟故老閔爭此朽骨如天球齊女門前六里
路蕎麥茫茫少封樹下馬猶尋董相陵飛鳧孰
辨孫王墓青草黃茅萬死鄉蠅頭細字寫巾箱

起草尚傳哀痛詔閉門自驗活人方永貞求舊
空黃土元祐青編炤千古人生忠佞看到頭至
竟延齡在何許君不見華山山下草如熏石闕
豐碑野火焚樵夫踞坐行人唾傳是崖州丁相
墳

舒仲符畫丹徒張明府

文光

小像戲題四

絕句明府記三生事一世爲僧再世爲鄰
家童子自爲記甚奇

水石清妍鶴骨癯依然劍佩列仙儒此中若著

邢和璞便是王郎破墨圖

王晉卿以破墨畫邢和璞房次律論前生

圖

其二

鈴柝蕭閒香篆灰江濤射枕夢初回分明記取
三生事曾聽金山粥鼓來

其三

計口齋鹽度六時放衙取水一軍持人言宿世
修行慣不是禪師定律師

其四

空花水月影層層劫後生前總一燈要與雲山
留話柄也將玉帶施山僧

贈翁朔州兆吉二首

朔雲邊雪夢鱸蓴數載方州一角中
暈月圍城悲飲血嘶風歸騎喜抽身
佛燈長似平安火詩債渾如簿領塵
君正懸車吾削跡東阡北陌好為鄰

其二

吹藜高閣俯迴廊絳帳青燈列鴈行
朔州為先夫子授經處也三傳春秋推武庫
一門簪笏儼靈光誰從宣室虛前席
且說安昌坐後堂尚憶荷衣呼出拜
白頭愁絕舊書郎
元遺山詩書郎零落今頭白腸

斷荷衣出拜時

華山道者劉虛中募刻道德經於厓石懼其為山靈之累也作詩送其去以諷止焉

太華五千仞道德五千言靈岳與寶書終古元氣存君今鐫此經磨厓勒山垠
模寫時俗書名氏相綴分俗書多破體
踳駁何足云山中無除目安取軒冕羣雲臺石室閒刻畫留癡痕
山靈亦何咎羅此鉗鑿寬願君回俗駕息機罷紛紜歸從老希夷
勦勦臥雲根

莆陽陳氏壽讌四首

南極光依藜火青澄霞助月見精爰老人星下
多芒翼還是陳家舊聚星

其二

方床竹几夾窻紗人說毘耶居士家滿室天花
都不著長留法喜伴維摩

其三

磊落金盤荔子殷傳觴壓酒賽朱顏絳羅襦裡
膚如玉恰似仙人出海山

其四

開宴吾家舊幔亭綵雲十日駐青冥賢郎近向

吳門去又說麻姑過蔡經

丙子中春日茂苑相公謝政邁歸招邀燕

賞余與其仲啓美張異度徐九一劉漁仲

追陪信宿游虎丘支硎諸山記事四首

謝公高興寄東山遲日招邀共賜閒問壑尋丘
塵世外巾車蠟屐畫圖閒風寒乍勒回春候雲
潤俄經作雨還最喜林深無虎豹夕春猶許歷
孱顏

其二

短簿祠前花正殷相看心在水雲閒蓮宮載酒

仍招隱竹院逢僧又得閒
蟲鶴變餘存白社劫
灰飛盡表青山公言子厚多題句
一笑何當浣
蘇斑十四日遊虎丘余語茂苑丁公言章子厚題詩亦與此山竝存乎相與一笑而出

其三

岡複溪迴徑穿招提樓閣暮雲邊
山腰正值諸峯缺
寺面平鋪萬頃煙
爲問把茅尋石室
莫因泮井嘆寒泉
茂苑與蒼雪法道約
道人縱鶴今何處
且放雙眸向碧天
十五日遊中峯院

其四

卅年游跡花山寺
矍圃觀人盡可憐
失馬因緣

雙鬢外亡羊岐路一燈前
青松旋覺龍鱗長
白石還驚鳥道連
昏黑藍輦重回首
藤蘿新月近

諸天

自寒山游花山寺昔游二十許人惟茂苑昆弟異度及余四人在

上茂苑相公二首

講席延登入禁闈
主恩旋許遂初衣
雲還碧落原無意
鶴向青霄豈倦飛
竹下清齋餘鳥施
花閒小院與僧歸
天庭黃色仍如許
知是先生戰勝肥

其二

也知脫屣一官無
每爲憂時或嘆吁
屋棟豈應

勞我祝床稜寧患少人模片茅蓋頂真堪老兩
膝隨身不要扶竺塢虞山過雲處勅教雙鶴遞
相呼

曹能始爲先夫人立傳寄謝

逐子東征杳莫從機殘績冷泣尸饗青編幸遇
曹能始彤管何慙范蔚宗築室不堪論舊隱焚
山寧復問新封孤生滿掬三春淚泉客珠成恰
似濃

次劉漁仲留別韻

南國猶殘半月春東亭共愴百年身與君作別

難成醉欲贈將離始覺貧黃卷秋燈燒尾客綠
窻朝日畫眉人蘭臺好獻雄風賦莫漫微詞及
宋鄰

其二

赤麋銅馬逼淮徐老屋三間幸著予坐甲裏糧
師日老拂衣擲硯計全疎廟堂鈞黨語弧矢郡
國求金急羽書早辦枚臯傳檄手莫誇詞賦似
相如

葛將軍歌

吳人葛誠以蕉扇招市人殺稅

誠未死時江淮閒舟
船賽祭之輒有驗

葛將軍萬夫雄我昔遇之婁水東
魁顏虎鼻眉目古蕉扇颯拉吹秋蓬
死骨穿近五人冢生魂嘯動五兩風
葛將軍今死矣權奇倣儻誰與儼
生惜不逢漢武帝鴻漸之翼困閭里
犬臺宮中應召見上林牧羊躡草履
君不見車丞相宮殿出入乘小車
亦是上書一男子

近多召見上書人不次除拜

雲間張老工於累石許移家相依賦此招

之二首

百歲平分五十春四朝閱歷太平身
長鑣短屐全家具綠水紅樓半主人
荷杖有兒扶薄醉縛

船無鬼笑長貧山中酒伴更相賀
花發應添愛酒鄰

其二

不是尋花卽討春偏於忙裏得閒身
終年累石如愚叟倏忽移山是化人
無酒過墻長作惡有錢拄杖已忘貧
明年肯踐南邨約祭竈先須請比鄰

王二溟布政謝事家居八十如少壯
聽歌度曲累夕不倦奉贈二首

蕭閒真欲擬驂鸞矍鑠猶能說據鞍
小建壽縣旗

臨麴部平分旌節領騷壇三休記向中條勒四
漫詩留退谷刊猶恐非熊頻入夢鐫除溪石不
名蟠

其二

名場戰地謝駟馳禪榻茶煙颯鬢絲功在刀州
成昔夢罰依金谷賦新詩嘗餐兔藥抄雲子自
嘯鶯歌教雪兒萬樹梅花方破臘祝君先插向
南枝

奉贈會稽倪太公十四韻

家學經鋤世所欽會稽竹箭比南金辭方娥廟

爲絲絹筆向耶溪淬劔鐔揮灑剡藤成五色鏗
鉤雷鼓有餘音分災射的年年白飲德河醪處
處沈滿載樵風頻往復扁舟夜雪每追尋花深
梅市詩嘗徧月滿柯亭酒自斟修竹茂林供列
座青鞋布襪稱長吟千巖萬壑爲圖畫禹穴秦
碑自古今烏府風霜傳舊節鯉庭桃李接新陰
長公侍御史
視學南畿膝前御史床猶在宅畔尚書塢正
深虞竹盈堦方鬱鬱丁松入夢轉森森蓬萊春
水浮仙閣石鏡梅花媚遠岑上樹呼猿輕作伴
升堂使鶴衆如林陽明宛委家山是誰識先生

萬古心

識字行題

吳門袁節母冊子

母能識節字兒能識孝字人生識字只兩箇何
用三倉四部盈箱筭羨君傭書養母能不憂白
華潔白充晨羞牛腰詩卷平傳誦行看綽楔懸
烏頭君不見長洲陳五經樞衣跪母提汲竝籬
邊使者星馳報天子詔書一夕來青冥

牧齋初學集卷第十

程